



BOSNA I HERCEGOVINA
Ministarstvo odbrane-obrane



БОСНА И ХЕРЦЕГОВИНА
Министарство одбране



БИЛТЕН BILTEN


Ministarstva odbrane - obrane i Oružanih snaga Bosne i Hercegovine
Министарства одбране и Оружаних снага Босне и Херцеговине

septembar/rujan 2012. broj 8

септембар 2012. број 8



**ORUŽANE SNAGE BIH
NESEBIČNO ODGOVORILE NA
POŽARE U BIH**



Bilten Ministarstva odbrane i Oružanih snaga BiH

Broj: 8

Septembar 2012. godine

Izdavač: Ured za odnose s javnošću Ministarstva odbrane BiH

Za izdavača: Uma Sinanović

Sarađuju: sektori i uredi MO, komande i jedinice OS BiH

Lektor: Miodrag Filimonović

Tehničku pripremu i štampanje finansirao NATO štab u Sarajevu

Ured za odnose s javnošću Ministarstva odbrane BiH

Adresa: Hamdije Kreševljakovića 98, 71000 Sarajevo
 E-mail: info@mod.gov.ba
 Kontakt: telefon 033/286-680, fax 033/286-685
 web: www.mod.gov.ba



8. travnja

Dan 1. pješačke (gardijske) pukovnije OS BiH i Dan HVO



U organizaciji 1. pješačke gardijske pukovnije OS BiH, u vojarni „Božan Šimović“ u Čapljini, 3. travnja 2012. godine održana je središnja svečanost povodom 7. obljetnice 1. pješačke (gardijske) pukovnije OS BiH i 20. obljetnice Hrvatskog vijeća obrane.

Središnjoj svečanosti nazočili su predsjedavajući Vijeća ministara BiH Vjekoslav Bevanda, zamjenici ministra obrane Marina Pendeš i Mirko Okolić, načelnik Zajedničkog stožera OS BiH general pukovnik Miladin Miložić, zamjenici načelnika ZS, general bojnik Anto Jeleč i general bojnik Rizvo Pleh, te brojni drugi gosti i uzvanici.

O ulozi Hrvatskog vijeća obrane i ratnom putu njegovih pripadnika govorio je brigadir Slaven Lasić, zapovjednik 1. pješač-

ke gardijske pukovnije, dok je gospodin Bevanda istaknuo da OS BiH, po svojoj ustrojenosti i radu i poštivanju sva tri konstitutivna naroda, mogu biti primjer civilnim institucijama.

U spomen na poginule pripadnike HVO-a, visoko vojno izaslanstvo MO i OS BiH položilo je vijence i zapalilo svijeće, a svetu misu za poginule branitelje predvodio je vojni biskup dr. Tomo Vukšić.

Dan kasnije, 4. travnja 2012. godine, izaslanstvo MO i OS BiH, koje je predvodila zamjenica ministra obrane, gospođa Marina Pendeš, položilo je vijence i upalilo svijeće poginulim i nestalim braniteljima HVO-a na groblju „Sv. Josip“ u Sarajevu. Pored izaslanstva MO i OS BiH, vijence su položili i predstavnici državnih, federalnih i županijskih institucija, te predstavnici braniteljskih udruga HVO-a, a u katedrali Presvetog Srca Isusovog u Sarajevu je služena misa za poginule i nestale branitelje HVO-a.

Misno slavlje predvodio je uzoriti kardinal Vinko Puljić, nadbiskup metropolit vrhbosanski uz koncelebraciju kapelana OS BiH i brojnih svećenika, a u sklopu obilježavanja obljetnice u vojarni „Stanislav Baja Kraljević“ upriličena je izložba oznaka HVO-a i predstavljane glasila „Gardist“.

15. april

Dan 2. pješadijskog (rendžerskog) puka OS BiH i Dan Armije R BiH

U organizaciji 2. pješadijskog (rendžerskog) puka OS BiH, na lokaciji razmještaja 3. pješadijskog bataljona 4. pješadijske brigade OS BiH u kasarni „Kosova“ Foča - Ustikolina, 13. aprila 2012. godine, održana je centralna svečanost obilježavanja 7. godišnjice 2. pješadijskog (rendžerskog) puka OS BiH i 20. godišnjice formiranja Armije R BiH.

Centralnoj svečanosti prisustvovali su predsjedavajući Predsjedništva BiH, gospodin Bakir Izetbegović, izaslanik člana Predsjedništva BiH Željka Komšića, Željko Knez, ministar odbrane BiH, Muhamed Ibrahimović, generali OS BiH, penzionirani generali A R BiH, i drugi gosti i zvanice iz političkog, javnog, kulturnog i vjerskog života BiH, kantona i općina, te predstavnici boračkih organizacija.

Prisutnima su se prigodnim govorima obratili gospodin Izetbegović, gospodin Ibrahimović i komandant 2. pješadijskog (rendžerskog) puka OS BiH, brigadir Ferid Mazalović.

Prigodna obraćanja pratio je bogat kulturno-zabavni program koji su pripremili i izveli građani i kulturno-umjetnička društva iz Goražda.

Dan ranije predstavnici MO i OS BiH su polaganjem cvijeća na mezarju „Kovači“ i groblju „Stadion Koševo“ odali počast šehidima i poginulim borcima Armije R BiH, a cvijeće su položili i predsjedavajući Predsjedništva BiH, Bakir Izetbegović i član Predsjedništva BiH, Željko Komšić. Odavanju počasti na mezarju „Kovači“ prisustvovali su, osim predstavnika MO i OS BiH, predstavnici državnih i entitetskih nivoa vlasti, predstavnici boračkih udruženja, kao i vojno-diplomatski kor u BiH.

12. мај

Дан 3. пјешадијског (Република Српска) пука ОС БиХ и Дан Војске Републике Српске



У Бањалуци, Бијељини и Билећи од 7. до 11. маја 2012. године, низом активности свечано је обиљежена 7. годишњица 3. пјешадијског (Република Српска) пука и 20. годишњица формирања Војске Републике Српске, а централна свечаност одржана је 11. маја 2012. године у касарни „Козара“ у Бања Луци.

Свечаност је почела предајом рапорта члану Предсједништва БиХ, господину Небојши Радмановићу, и интонирањем химне БиХ, након чега су успједила обраћања званичника и богат културно-умјетнички про-

грам. Свечаности су присуствовали замјеници министра одбране БиХ госпођа Марина Пендеш и господин Мирко Околић, начелник ЗШ ОС БиХ генерал-пуковник Миладин Милојчић, као и највиши политички представници Републике Српске, старјешине из састава ОС БиХ, запослени у МО БиХ, дипломатски војни представници акредитовани у БиХ, пензионисани генерали и официри ВРС, представници Борачке организације РС, свештенство Српске православне цркве, као и велики број грађана.

Манифестација обиљежавања годишњице почела је пријемом који је 7. маја 2012. године у Клубу ВРС у касарни „Козара“ у Бањалуци упрличио командант Пука, бригадир Рајко Кнежевић, за представнике Министарства унутрашњих послова РС, Цивилне заштите РС и Административне службе Града Бања Лука, а у склопу манифестације, упрличен

је „Дан отворених врата“, гдје су се одазвали бројни ученици бањалучких основних и средњих школа.

Парастос погинулим борцима ВРС је служен у храму „Св. Тројице“ у Бањалуци, 10. маја 2012. године, након чега су бројне делегације положили вијенце и цвијеће на гробљу „Свети Пантелија“ и спомен-костурници на Новом гробљу у Бања Луци.

Истог дана у касарни „Козара“ у Бања Луци отворена је спомен-соба Војске Републике Српске, а у Музеју Републике Српске упрличена је изложба обиљежја ВРС.



Руковски систем Оружаних снага Босне и Херцеговине

Руковски систем Оружаних снага БиХ дефинисан је Законом о одбрани и Законом о служби у Оружаним снагама Босне и Херцеговине (Службени гласник БиХ број 88/05). Законом о служби у Оружаним снагама Босне и Херцеговине предвиђена су три пјешадијска пука, који баштине идентитет и војно наслеђе јединица и конститутивних народа из којих потићу. Они могу баштинити војне традиције јединица Армије Републике Босне и Херцеговине (АРБиХ), Хрватског вјећа одбране (НВО) и Војске Републике Српске (ВРС) и традиције конститутивних народа из којих потићу (Бошњаци, Хрвати и Срба).

Законом о одбрани и Одлуком Предсједништва БиХ о величини, структури и локацијима ОС БиХ, предвиђено је да поред пјешадијских пукова постоје и пукови осталих родова и служби ОС БиХ (артиљеријских јединица, оклопно-механизованих јединица, инжињеријских јединица, родова борбене подршке, служби подршке и родова зракопловства и противзрачне одбране). Менadžмент МО БиХ и ОС БиХ постигао је suglasnost да Предсједништву БиХ Херцеговине предложи рационализацију руковског система ОС БиХ, па да се, поред три пјешадијска пука, умјесто досадашњих шест пукова родова и служби, успоставе три пука родова и служби ОС БиХ и то пук зракопловства и противзрачне одбране, пук борбене подршке и пук служби подршке.

Ови пукови би искључиво баштинили војно наслеђе одговарајућих родова и служби ОС БиХ и били би мултиетнички попуњени.

Пукови ОС БиХ немају оперативне нити административне надлежности. Команде пукова су персонално попуњене са мање од десет лица и баве се церемонијалним и другим активностима, као што су управљање музејом пука, при-

према, истраживање и njegovanje историје пука, објављивање билтена, чување културно-историјског наслеђа пука, давање упутстава о одржавању посебних свечаности и вођење официрских, подофицирских и војничких клубова.

Тренутно активно постоје и у ОС БиХ дјелују пјешадијска пука. Они имају своје заставе и обиљежја, а сједишта су им у Мостару, Тузли и Бања Луци, а одређени су и дани пјешадијских пукова, и то:

- 8. април - Дан 1. пјешадијског (гардијског) пука Оружаних снага Босне и Херцеговине,
- 15. април - Дан 2. пјешадијског (рендџерског) пука Оружаних снага Босне и Херцеговине,
- 12. мај - Дан 3. пјешадијског (Република Српска) пука Оружаних снага Босне и Херцеговине.

О значају и активностима пјешадијских пукова довољно говори податак да је у 2011. години, министар одбране donio 152 одлуке којима је одобрио ангажовање ресурса Оружаних снага БиХ (објеката, материјално-техничких средстава и персонала) за подршку руковским активностима, најчешће подршка и почасти приликом обиљежавања значајних догађаја и датума.

Правилником о пуковима Оружаних снага Босне и Херцеговине (Службени гласник БиХ, број 96/10) дефинисане су кључне области руковског система Оружаних снага Босне и Херцеговине, а у току су активности на изради осталих прописа из области руковске проблематике (правилници о музејима, билтенима и клубовима пукова, те приручницима пукова).

Održana međunarodna civilno-vojna vežba “Zajednički otpor 2012”

“Zajednički otpor 2012” (“Shared Resilience 2012” - SR12E) je međunarodna civilno-vojna vežba koju su organizovali Ministarstvo odbrane i Oružane snage BiH i Ministarstvo sigurnosti BiH u formatu Partnerstva za mir, a pod pokroviteljstvom Američke komande za Evropu (USEUCOM-a). Vježba se održavala na lokacijama Čapljine, Bileće, Sarajeva, Mostara i Trebinja od 28.05. do 07.06.2012. godine i okupila je oko 850 učesnika iz BiH, zemalja regiona, NATO-a i PfP-a (Partnerstva za mir) te vodećih međunarodnih organizacija iz oblasti odbrane i sigurnosti.

Cilj vježbe bio je testirati i usavršiti izuzetno složen sistem reagovanja na krizne situacije u Bosni i Hercegovini, poboljšati saradnju između međunarodnih i domaćih timova za civilnu zaštitu te unaprijediti ulogu Oružanih snaga BiH u izvršenju svoje zakonom definisane misije, a koja se odnosi na zadatke podrške civilnim strukturama za vrijeme prirodnih katastrofa i drugih nesreća.

Svečanom ceremonijom otvaranja, koja je održana 28.05.2012. godine, započela je međunarodna civilno-vojna vežba “Zajednički otpor 2012” godine u prisustvu više od 500 učesnika vježbe i vodećih predstavnika institucija i agencija učesnica vježbe. Tokom vežbe održani su različiti medicinski kursevi i obuke, komandno-štabna vježba, vjež-

ba komandnog mjesta i terenska vježba. Prvih dana vježbe održani su kursevi za pružaoce prve pomoći i ljekare, kurs o zbrinjavanju žrtava masovne nesreće, kurs o posmrtnom zbrinjavanju te obuke o urbanom traganju i spasavanju. U isto vrijeme 30.05.2012. godine započela je komandno-štabna vježba (TTKS), tj vježba na kartama bez upotrebe snaga. Cilj TTKS vježbe bio je da se proigraju različite situacije prilikom elementarnih nepogoda i usaglase postupci za angažovanje pripadnika Ministarstva vanjskih poslova, Ministarstva sigurnosti i pripadnika OS BiH. U okviru vježbe SR12E 03.06.2012. godine je održana i vježba komandnog mjesta (CPKS) sa upotrebom operativnih elemenata za štabove civilne zaštite,

operativne timove i grupu za kontrolu, pri čemu su timovi pokazali upoznatost sa procedurama i spremnost za rad po scenariju vježbe koji nije unaprijed poznat.

Od 4. do 6. juna 2012. godine održana je terenska vježba (LIVEKS) na kojoj su učesnici uključeni u SR12E imali priliku testirati svoje sposobnosti, ali i primijeniti lekcije sa obuka i kurseva održanih po samom otvaranju vježbe. Prvi dan LIVEKS vježbe održan je u kasarni “Božan Šimović” u Čapljini, gdje je inscenirana incidentalna situacija - Spasavanje unesrećenih usljed zemljotresa, a u drugoj sceni kod starog mosta u Čapljini inscenirani su saobraćajni udesi sa ljudskim žrtvama i isticanjem opasnih materija u reku Neretvu. Naredni

MINISTAR IBRAHIMOVIĆ:
Ova vježba je dala doprinos regionalnoj saradnji, saradnji bosanskohercegovačkih i međunarodnih uprava civilnih zaštita, ali i doprinos testiranju Oružanih snaga BiH u izvršenju svoje zakonom definisane misije - pomoći civilnim strukturama u odgovoru na prirodne i druge katastrofe. Čestitam i zahvaljujem se svim učesnicima vježbe na njihovom naporu i doprinosu realizaciji ovakve jedne složene vježbe, a posebno se zahvaljujem i USEUCOM-u, američkoj Ambasadi u BiH, NATO štabu Sarajevu, EUFOR-u i OSCE-u na stalnoj i velikoj podršci koju su pružili tokom priprema i sprovođenja SR12E.





dan LIVEKS vježbe održan je na poligonu za obuku kasarne "Bilećki borci" u Bileći, gdje je na prvoj radnoj tački simuliran šumski požar koji se proširio na obližnje naseljeno mjesto, a na drugoj radnoj tački prikazano je spasavanje civila iz autobusa koji se usljed saobraćajne nesreće našao u minskom polju. Posljednji dan terenske vježbe uključivao je 3 inscenirane situacije koje su prezentirane istaknutim posjetiocima iz vojnog i diplomatskog kora akreditovanog u Bosni i Hercegovini i predstavnicima međunarodnih organizacija. U prvoj incidentalnoj situaciji insceniran je pad helikoptera u minsko polje pri čemu su 3 člana posade povrijeđena, a jedan je smrtno stradao. U drugoj situaciji prikazana je potraga i izvlačenje povrijeđenih iz motornog vozila koje je bilo zatrpano pod ruševinama zgrade, a treća scena uključivala je spasavanje ljudi iz stambene zgrade u plamenu i vertikalno spasavanje jedne osobe sa krova zgrade u plamenu. Ovom scenom završen je i posljedni dan LIVEKS vježbe.

Međunarodna civilno-vojna vežba "Zajednički otpor 2012" završena je svečanom ceremonijom zatvaranja 07.06.2012. godine u kasarni "Božan Šimović" u Čapljini.

U okviru 11 dana vježbe SR12E pripadnici OS BiH su zajedno sa pripadnicima USEUCOM-a, lokalne civilne zaštite i vatrogascima čistili zgarišta u parku prirode "Hutovo blato-Karaotok" čime su dali značaj očuvanju prirodnih ljepota BiH, ali i ukazali na dobru saradnju vojnih i civilnih struktura. Također, organizovani su sportski i kulturni dani

za sve učesnike vježbe te izložba dječjih likovnih radova i izložba vojne i civilne opreme.

Na generalnoj analizi vježbe "Zajednički otpor 2012" održanoj 17.07.2012. godine zaključeno je kako je vježba izuzetno dobro organizovana i uspješno sprovedena, te da su ciljevi vježbe u potpunosti ispunjeni. Istaknuto je da je ova vježba bila prilika da se uvijek sastav OS BiH za zadatke pomoći civilnim strukturama u slučaju elementarnih nepogoda sa helikopterima, inženjerskom jedinicom, sanitetskim timovima, timovima za razminiranje i pješadijskim jedinicama za gašenje požara.

Predstavnici američke Ambasade SAD-a u BiH, NATO štaba u Sarajevu i Misije EUFOR-a u BiH istakli su kako je ova vježba pokazala šta se sve u BiH može uraditi kad postoji volja.

Učesnici vježbe bili su predstavnici

GEN. JERKIĆ: Ova vježba je značajna iz više razloga i mislim da je u potpunosti uspjela. Kao posebno bih volio da istaknem da su ciljevi ispunjeni. Zadovoljan sam time kako je funkcionisao odnos vojske i civila, ali takođe i proigravanjem angažovanja međunarodne pomoći u slučajevima prirodnih i drugih katastrofa. Što se tiče OS BiH, ovo je bila izuzetna prilika da jedan dio učesnika proigra svoje mjesto i ulogu i da pokažemo opremu kojom raspolažemo.

Ministarstva odbrane i Oružanih snaga BiH, Ministarstva sigurnosti BiH, Ministarstva civilnih poslova BiH sa lokalnim zdravstvenim ustanovama, Ministarstva komunikacija i transporta BiH, Uprave za indirektno oporezivanje BiH, Federalne uprave civilne zaštite (sa kantonalnim i opštinskim štabovima), Republičke uprave civilne zaštite (sa opštinskim štabovima), Odjeljenja za javnu sigurnost Brčko Distrikta, Veterinarskog ureda BiH, Agencije za sigurnost hrane BiH, Crvenog križa FBiH, Crvenog krsta Republike Srpske, Vatrogasne službe Čapljina, Hercegovačke gorske službe spasavanja te predstavnici Američke komande za Evropu (USEUCOM), zemalja iz regije, NATO-a, EUFOR-a, OSCE-a i UNDP-a.



Oružane snage BiH nesebično odgovorile na požare u BiH



Oružane snage Bosne i Hercegovine su tijekom gašenja požara protekla 2 mjeseca nesebično izvršavale svoju zakonom definiranu misiju pomoći civilnim strukturama vlasti u zaštiti i spašavanju ljudi i materijalno-tehničkih dobara u slučaju prirodnih i drugih nesreća.

U razdoblju od 02.05. do 12.09.2012. godine, Oružane snage BiH su na zahtjev civilnih struktura vlasti pri gašenju požara na preko 40 lokacija u Bosni i Hercegovini angažirali **1.150 pripadnika** OS BiH i izvršili **82 helikopterske misije**, čime su u velikoj mjeri doprinijeli stavljanju pod kontrolu vatrene stihije i sprječavanju daljeg širenja požara.

Sukladno propisanim procedurama o angažiranju OS BiH tijekom prirodnih i drugih katastrofa, Ministarstvo obrane i Oružane snage BiH su odgovorile na sve opravdane zahtjeve civilnih struktura. Operativno komunikacijsko središte institucija obrane BiH je zaprimilo ukupno 52 zahtjeva od Operativno komunikacijskog središta Ministarstva sigurnosti BiH, od čega su 44 zahtjeva prihvaćena.

Prilikom gašenja požara od **02.05. do 12.09.2012. godine izvršene su 82 helikopterske misije sa oko 230 ostvarenih sati leta, pri čemu je izbačeno preko 3 043 200 litara vode na područja zahvaćena požarima**. Helikopterima OS BiH gašena su područja općina Olovo, Trebinje, Bileća, Livno, Tomislavgrad, Konjic, Zavidovići, Mostar, Bratunac, Srebrenica, Kneževo, Jablanica, Novo Goražde, Čapljina, Čitluk i Nevesinje. U rejonima navedenih područja je pored helikoptera Mi-8 angažirano **1.150 pripadnika** Oružanih snaga BiH koji su **10.270 sati**, sa pripadnicima civilnih struktura za zaštitu i spašavanje, gasili požare na požarištima u BiH.

Ove brojke jasno pokazuju spremnost i posvećenost Oružanih snaga Bosne i Hercegovine da služe i pomognu građanima BiH kada im je to najpotrebnije.

U posljednjih nekoliko godina Oružane snage BiH su spremno pružile pomoć civilnom stanovništvu svaki put kad su to nadležne institucije tražile, bilo da se radi o poplavama, požarima ili snježnim nepogodama.

Samo u 2012. godini za vrijeme snježnih nepogoda angažirano je preko 2.600 pripadnika OS BiH i izvršeno 38 helikopterskih intervencija; izvršeno je 13 medicinskih intervencija; na izgradnji vodovoda u Bosanskoj Krupi svakodnevno su već godinu dana angažirani pripadnici OS BiH; demineri OS BiH su očistili 719.376 metara kvadratnih od mina i to područje je sada dostupno stanovništvu BiH. Također, OS BiH su pružile pomoć u brojnim humanitarnim akcijama i podržale organizaciju različitih kulturnih i društvenih manifestacija.



Izaslanstvo MO i OS BiH u State Department-u, Pentagonu i Zapovjedništvu Nacionalne garde Maryland



U.S. - Bosnia - Herzegovina Bilateral Defense Consultations, June 13, 2012, Washington, DC

Izaslanstvo MO i OS BiH koje su činili ministar obrane BiH Muhamed Ibrahimović, zamjenik ministra obrane za upravljanje resursima Mirko Okolić i načelnik ZS OS BiH general pukovnik Miladin Milojević sa suradnicima u razdoblju 10. - 14. lipnja 2012. godine boravilo je u SAD. Tom prigodom uspješno su okončani bilateralni razgovori i konsultacije o mnogim područjima i

programima suradnje u obrambenom sektoru koji se realiziraju sa MO i OS SAD-a, kao i sa Ministarstvom inozemnih poslova SAD.

U State Department-u SAD-a dio izaslanstva se sreo sa Andrew Shapiro, pomoćnikom državnog tajnika za političke i vojne poslove i gospodinom Philipom Rickerom, zamjenikom pomoćnika državnog tajnika za europske

i euroazijske poslove.

Tema sastanka bila je analiza mnogobrojnih programa pomoći Vlade SAD u oblasti sigurnosne suradnje između BiH i SAD sa fokusom na programe koji u 2012. godini između ostalih uključuju program vojnog financiranja za druge države (The Foreign Military Financing – FMF) i donaciju vojne opreme u vrijednosti od 4,7 milijuna





dolara, program Međunarodne vojne pomoći i obuke (IMET) u vrijednosti od oko milijun dolara, te ostale programe koji u ukupnoj sumi iznose oko 2 milijuna dolara. Gospodin Shapiro je obećao uvećanje sredstava za dalje unaprijeđenje sigurnosnog i stabilnog okruženja u BiH za dodatna 4 milijuna dolara. Polovica tih sredstava bit će uplaćena u međunarodni fond za deminiranje u BiH, dok će se druga polovica koristiti za implementaciju programa uništavanja nestabilnog i rizičnog streljiva u BiH.

Tijekom razgovora izraženo je obostrano zadovoljstvo napretkom koji je BiH napravila u nastojanjima za priključivanje euroatlantskim integracijama i data potpora za nastavak rada kako bi se ispunio i posljednji uvjet za otpočinjanje prvog ciklusa MAP-a.

Uz riječi zahvale na donatorskoj potpori i programima Vlade SAD-a, a vezano za održavanje postojećih kapaciteta i modernizaciju OS BiH, sugerirano je da se u narednom razdoblju težište usmjeri na izgradnju kapaciteta OS BiH za efikasnije izvršenje dijela misije u pomoći stanovništvu pri prevenciji i otklanjanju posljedica prirodnih i drugih nepogoda i predloženo je da se pri izgradnji ovih kapaciteta prioritet da unapređenju kapaciteta helikopterskih postrojbi, koje su neophodne pri operacijama potrage i spašavanja, za medicinske evakuacije i gašenja požara.

Za to vrijeme načelnik ZS OS BiH, general Milošević se sastao u Pentagonu sa načelnikom ZS OS SAD-a, generalom

Martinom E. Dempsijem. General Milošević je upoznao generala Dempsija sa trenutnim stanjem u OS, angažiranjem u misijama ISAF, kao i planovima sudjelovanja pripadnika OS u budu-



ćim operacijama i zahvalio na pomoći Vojske SAD u mnogim segmentima iz oblasti obrane. General Dempsi je pohvalio sudjelovanje i doprinos OS BiH u operacijama potpore miru i izrazio



dalju potporu SAD u reformi obrane u BiH i razvoju OS.

Tijekom boravka u SAD-u, razmijenjena su i iskustva koja su dvije strane imale prilikom transformacija i otpusta viškova personala, a izaslanstvo se sastalo i sa drugim visokim zvaničnicima iz Pentagona koje su informirali o trenutnom stanju i procesima koji se provode u sustavu obrane u BiH sa akcentom na izazove sa kojima se susreće MO i OSBiH u svjetlu veoma ograničenih proračunskih izdvajanja za segment obrane.

Sudionici razgovora su se složili da se u narednom razdoblju suradnja fokusira na oblasti deminiranja, rješavanja viškova naoružanja i streljiva, proširenju Programa državnog partnerstva sa saveznom državom Maryland na polju civilne suradnje kao i potporu programima koji imaju za svrhu izgradnju kapaciteta MO i OS BiH za pomoć civilnim vlastima u slučajevima elementarnih nepogoda.

Posljednjeg dana posjeta izaslanstvo MO i OS BiH su ugodili zapovjednik Nacionalne garde Maryland, general bojnik James Adkins sa suradnicima. U izuzetno prijateljskoj atmosferi razgovaralo se o segmentima realizacije Programa državnog partnerstva koji BiH ima sa državom Maryland, te mogućnostima proširenja ove uspješne suradnje i na civilni sektor.

Nacionalna garda Maryland je za BiH izaslanstvo osigurala helikopterski transport do lokacije A.P. Hill u Virdžiniji gdje se na terenu zajednički obučavaju pripadnici OS BiH i Nacionalne garde Maryland.

Перспективна војна имовина

Књижење перспективне војне имовине на државу Босну и Херцеговину, односно Министарство одбране БиХ, као задњи услов који БиХ треба испунити да би био покренут Акциони план за чланство (МАР) у НАТО-у, 18. априла 2012. године, на сједници Предсједништва БиХ, добило је засада своју коначну верзију. Наиме, том одлуком су усаглашене 63 перспективне војне локације које би требало да буду укњижене као власништво МО БиХ, односно ОС БиХ. Те локације су:

- а) касарне (17 локација):** „Мато Лучић Матурица“ Кисељак, „Јосип Каримовић Грабо“ Чапљина, „Станислав Баја Краљевић“ (капелица, пријавница и објекти 4,5 и 6) у Мостару, „Анте Бруно Бушић“ Ливно, „Рајловац“ Нови Град-Сарајево, „7. муслиманске бригаде“ Зеница, „Травник“ Травник, „Синови Посавине“ Орашје, „Козара“ Бањалука, „Жарко Згоњанин“ Приједор, „Војвода Радомир Путник“ Миљковац-Добој, „3.мај“ ТРООМ (Техничка радионица за оправку и одржавање муниције) Добој, „Здравко Челар“ Дервента, „Војвода Степа Степановић“ Бијељина, „Милош Обилић“ Пале, „Косова“ Фоча-Устиколина, „Бутмир“ Илица-Сарајево;
- б) касарна, складиште и локално подручје за обуку (1 локација):** „Бутиле“ Нови Град-Сарајево;
- в) касарна, локално подручје за обуку и стрелиште (4 локације):** „Заим Имамовић“ Хацићи, „Адил Бешвић“ Бихаћ, „Билећки борци“ Билећа, „Гребак“ Фоча-Устиколина
- г) касарна и стрелиште (1 локација):** „Миралем Југо“ Мостар;
- д) касарна, полигон за борбену обуку и стрелиште (1 локација):** „Мика Боснић“ Бањалука;
- ђ) полигон за борбену обуку и стрелиште (1 локација):** „Калиновик“ Калиновик;

- е) локално подручје за обуку и стрелиште (4 локације):** „Лазаревица“ Бијељина, „Гламоч“ Гламоч, „Овчарево“ Травник, „Горица“ Чапљина;
- ж) стрелиште (1 локација):** „Паша-бунар“ Тузла;
- з) касарна и аеродром (1 локација):** „Дубраве“ Тузла;
- и) аеродром (2 локације):** „Маховљани“ Бањалука, „Ортијеш“ Мостар;
- ј) складиште наоружања и војне опреме (2 локације):** „Рабић“ Дервента, „Теуфик Буза“ Високо;
- к) складиште муниције и минско-експлозивних средстава (5 локација):** „Петар Мркоњић“, Кула 1 и Кула 2, Мркоњић-Град, „Крупајска Ријека“ Хацићи, „Габела“ Чапљина, „Грабеж“ Бихаћ;
- л) складиште погонског горива и мазива (2 локације):** „Стојковићи“ Нови Травник, „Челебићи“ Коњиц;
- љ) складиште погонског горива (1 локација):** „Филиповићи“ Фоча;
- о) складиште (1 локација):** „Козловац“ Тузла;
- п) радарски положај (3 локације):** Јахорина, Козара, Вележ;
- р) радарски положај и стационарно комуникацијско чвориште (1 локација):** „Окресаница“ Сребреник;
- с) стационарно комуникацијско чвориште (12 локација):** „Коњух“ Бановићи, „Паљеник“ Травник, „Плочно-Чврсница“ Посушје, „Лисина“ Приједор, „Чубрен“ Кисељак, „Свињар“ Прњавор, „Велики Жеп“ Хан Пијесак, „Кмур“ Фоча, радио-релејно чвориште (РРЧ) „Велика Мањача“ Жепче, РРЧ Требевићка 72 „Босут“ Ново Сарајево и Центар – Сарајево, „Леотар“ Требиње, „Дуге Њиве“ Модрича;
- у) сједиште МО БиХ (1 локација):** А 001 Хамдије Крешевљаковића 98, Стари Град-Сарајево;
- т) сједиште ЗШ ОС БиХ (1 локација):** Бистрик бр. 5, Стари Град – Сарајево и
- ћ) Дом ОС БиХ (1 локација):** Стари Град-Сарајево.

Самит НАТО-а у Чикагу

Иако је било назнака да би питање књижења војне имовине могло бити ријешено прије самита НАТО-а у Чикагу, 20-21. маја 2012. године, до тога није дошло.

Самиту су, испред БиХ присуствовали предједавајући Предсједништва БиХ Бакир Изетбеговић, министар одбране БиХ Мухамед Ибрахимовић, те министар спољних послова БиХ Златко Лагумџија. Шефови држава и влада чланица НАТО-а поручили су да врата НАТО-а остају отворена свим европским демократијама које желе и могу преузети одговорност и обавезе чланства, а савезници су изразили оптимизам и подржали аспирације БиХ. Такође су изразили задовољство напретком оствареним током 2012. године, посебно успостављањем Савјета министара



БиХ и постизању Споразума о регистровању перспективне неопкретне војне имовине. У завршној Декларацији самита, политички челници у БиХ позвани

су да буду конструктивни у примјени Споразума без одгањања, како би што прије покренули први Акциони план за чланство у НАТО-у.

Потписан и реализован Споразум о трансферу грант средстава из раздјела буџета Министарства одбране БиХ за 2012. годину према ентитетским фондовима ПИО/МИО



Министарство одбране БиХ је 27. 07. 2012. године потписало Споразум о трансферу грант средстава из раздјела буџета Министарства одбране БиХ за 2012. годину према Федералном заводу ПИО/МИО и Фонду ПИО Републике Српске на основу Закона о допунама Закона о служби у Оружаним снагама БиХ. Споразум су потписали: Министар одбране БиХ Мухамед Ибрахимовић, у име Савјета министара БиХ, министар Федералног министарства рада и социјалне политике ФБиХ Вјекослав Чамбер, министар у Министарству рада и борачко-инвалидске заштите Републике Српске Петар Ђокић, директор Федералног завода за ПИО/МИО Зијад Крњић и директор Фонда ПИО Републике Српске Младен Милић.

Споразум је подразумијевао да ће се трансфер средстава са јединственог

рачуна Трезора из буџета Министарства одбране за 2012. годину у износу од 19.917.000 КМ извршити у складу са укупним бројем мјесеци и дана од дана отпуштања из службе лица на које се односи имплементација Закона, односно исплата средстава, до дана престанка важења Закона.

Такође, потписани су и Анекси споразума између Министарства одбране БиХ и Федералног завода ПИО/МИО, односно Фонда ПИО РС, којима је регулисан начин достављања потребне документације на основу које ће се извршити трансфер средстава предвиђен овим Споразумом.

За Федерални завод ПИО/МИО Споразумом је утврђена и висина средстава у износу од 79,80%, а за Фонд ПИО Републике Српске у износу од 20,20% од укупно одобрених средстава.

За висину појединачних исплата у оквиру додијељених средстава одговорни су носиоци ПИО/МИО осигурања у складу са ентитетским прописима, у зависности од броја мјесеци и дана од престанка службе, до 31. 05. 2012. године.

Одмах након што је Споразум ступио на снагу започео је трансфер новчаних средстава Министарства одбране БиХ према Федералном заводу ПИО/МИО, 02.08.2012. године, и окончан је 09.08.2012. године трансфером средстава према Фонду ПИО Републике Српске, који је до краја августа окончао исплату припадајућих накнада свим припадницима ОС БиХ из Републике Српске којима је престала служба истеклом уговора.

Имплементацијом наведеног Споразума МО БиХ је завршило своје обавезе проистекле из Закона о допунама Закона о служби у ОС БиХ.

Komandant NATO štaba Sarajevo u MO BiH



Ministar odbrane BiH, mr. Muhamed Ibrahimović, primio je 6. jula 2012. godine komandanta NATO štaba u Sarajevu, brigadnog generala Waltera T. Lorda, i vojnog atašea SAD u BiH, brigadira Scotta Millera.

Ministar Ibrahimović je goste upoznao sa aktuelnom političkom situacijom u BiH i njenom uticaju na realizaciju aktivnosti u MO i OS BiH, a bilo je riječi i o problemima uništavanja viškova municije i minsko-eksplozivnih sredstava, deminiranju i logističkoj podršci OS BiH, sa težištem na nabavkama i popuni OS BiH materijalno-tehničkim sredstvima. Dati su prijedlozi za organiziranje sastanaka na svim nivoima, a general Lord i brigadir Miller su potvrdili aktivno lično učešće i učešće njihovih saradnika na sastancima koji budu organizovani tim povodom i izrazili spremnost za pružanje pomoći MO i OS BiH i u izvršavanju ostalih aktivnosti koje su od uticaja na brzinu kretanja BiH ka NATO-u.

Kevan Jones posjetio MO BiH



Zamjenica ministra obrane BiH za politiku i planove, gospođa Marina Pendeš, 19. lipnja 2012. godine primila je u posjet zastupnika u Parlamentu Velike Britanije i bivšeg ministra obrane Velike Britanije, gospodina Kevan Jonesa, a na sastanku je bilo govora o reformi obrane u BiH, procesu pridruživanja BiH euroatlantskim integracijama i suradnji MO BiH i MO Velike Britanije.

Tom prigodom gospođa Pendeš je zahvalila gospodinu Jonesu na potpori i partnerstvu Velike Britanije u proteklom razdoblju, prije svega u značajnoj pomoći Velike Britanije u projektima Središta za potporu za mirovne operacije u Butmiru, programu pomoći za demobilizirane vojnike kroz NATO TRUST fond, školovanju časnika OS BiH na vojnim koledžima u Velikoj Britaniji,

učenju engleskog jezika za pripadnike OS BiH i drugim projektima, što je, prema riječima gospođe Pendeš, doprinijelo da MO BiH bude u kapacitetu kakvo je sada, s ciljem pridruživanja euroatlantskim integracijama i sa opredjeljenjem da i BiH bude dio kolektivnog sustava sigurnosti kao što je NATO.

Gospodin Jones je istaknuo da je impresioniran brzinom i učinkovitošću procesa reforme obrane i funkcioniranjem MO i OS BiH, te ponudio nastavak suradnje i kroz specifične vidove obuke i treninga, a prema iskazanim potrebama OS BiH, a bilo je riječi i o sudjelovanju pripadnika OS BiH u mirovnim misijama, uništavanju viškova naoružanja i streljiva, rješavanju pitanja vojne imovine i o drugim pitanjima za koja je bivši ministar obrane, a sadašnji "ministar obrane iz sjene" i član Parlamenta Velike Britanije Kevan Jones iskazao interes.

Susretu je nazočio i vojni izaslanik Velike Britanije u BiH pukovnik Robert Tomlinson.

Admiral Klingan u MO i ZŠ OS BiH

Ministar odbrane BiH, mr. Muhamed Ibrahimović i načelnik ZŠ OS BiH, general-pukovnik Miladin Milojević sa saradnicima primili su 29. juna 2012. godine u posjetu komandanta Komande zajedničkih snaga NATO-a u Napulju, admirala Brusa Klingana. Sastanku je prisustvovao i novoimenovani komandant NATO štaba u Sarajevu, brigadni general Valter Lord.

Na sastanku je razgovarano o rješavanju viškova naoružanja, skladištenju i obezbjeđenju municije i minsko-eksplozivnih sredstava, te uništavanju viškova naoružanja i municije.



Одржан форум безбједности у Будви

На форуму безбједности који је почетком јуна 2012. године одржан у Будви, у Црној Гори, под називом „То Ве Secure - 2BS“, испред МО БиХ учествовао је замјеник министра одбране за управљање ресурсима господин Мирко Околић, са сарадницима.



Тема форума је била „Безбједносни изазови – самит у Чикагу: Шта Западни Балкан може понудити?“, а учествовали су министри одбране и начелници штабова оружаних снага из земаља регије. У оквиру радног дијела форума одржано је осам панел дискусија.

Žene lideri u obrani i sigurnosti

Zamjenica ministra obrane BiH, gospođa Marina Pendeš, sudjelovala je na konferenciji «Žene lideri u obrani i sigurnosti» koja se od 9. do 11. srpnja 2012. godine održala u Sofiji (Bugarska) u okviru «Smart Defense» inicijative.

Cilj konferencije, na kojoj je gospođa Pendeš sudjelovala kao jedan od govornika, bila je pokrenuti dijalog među političkim liderima i započeti proces kreiranja politike koja će doprinijeti integraciji različitosti ljudskih resursa i rodних perspektiva u vojnim i civilnim obrambenim institucijama. U svom izlaganju gospođa Pendeš je predstavila

izazove i barijere kada je u pitanju različitost ljudskih potencijala u institucijama obrane i sigurnosti u BiH, iznijela modalitete dosadašnjeg ponašanja i stavova o ovoj temi, te prijedlogom kako prebroditi sustavne nedostatke. Također je iznijela dosadašnja iskustva MO BiH vezana za sudjelovanje žena u sustavu obrane i naglasila potrebu regionalnog pristupa unapređenju pozicije žena u navedenom sustavu.

Na konferenciji je bilo 111 predstavnika iz 28 zemalja Europe, Azije i Amerike, kao i predstavnici NATO zapovjedništva - Bruxelles, SACT, JFC Lisbon, SHAPE, HQ KFOR, HQ ISAF, NATO



obrambenog koledža (NDC) i UNDP / SEESAC, a usvojene su odluke u vidu prijedloga dokumenata i studija, radionica, interaktivnih mobilnih trening timova i drugih aktivnosti radi unapređenja stanja u ovoj oblasti.

Донација Оружаних снага Швајцарске МО БиХ и ОС БиХ



У касарни “Рајловац” у Сарајеву, 13. 07. 2012. године, извршена је примопредаја 50 електро-хидрауличних виљушкара од стране НАТО штаба у Сарајеву на трајно кориштење Министарству одбране и Оружаним снагама БиХ, који су донација Оружаних снага Швајцарске, у сврху унапређења и управљања складиштима муниције и наоружања. Уручено је и 20 сертификата припадницима Оружаних снага БиХ за успјешно положен курс за стручно и правилно руковање са електро-хидрауличним виљушкарима.

Свечаној церемонији су присуствовали замјеник министра одбране БиХ господин Мирко Околић, начелник Заједничког штаба БиХ генерал-пуковник Миладин Милојчић, Њ. Е.. Andre Schaller амбасадор Швајцарске у БиХ, командант НАТО штаба у Сарајеву бригадни генерал Walter T. Lord, представник EUFOR-а у БиХ пуковник Unsal Sieri замјеник начелника EUFOR-а за обуку и оспособљавање и бригадир Оружаних снага Швајцарске Col Prasenjit Chaudhur. Присутнима се обратио замјеник

министра господин Мирко Околић и овом приликом упутио посебну захвалност Влади Швајцарске, као и свима који су помогли у овој донацији, те честитао успјешно завршен курс управљања овим виљушкарима. Донирани виљушкари ће допринијети побољшању капацитета за транспорт и утовар на локацијама за складиштење наоружања и муниције у процесу одвајања перспективне од неперспективне муниције, те побољшању услова складиштења на тим локацијама.



Obilježena 17. obljetnica pogibije američkih diplomata i francuskog vojnika

U povodu obilježavanja 17. obljetnice pogibije američkih diplomata Džozefa Kruzela, Roberta Frejdžera, Samuela Nelsona Drowa i francuskog vojnika Stefana Raula (Joseph Kruzell, Robert Freiser, Samuel Nelson Drew, Stephan Reault), Ministarstvo obrane i Oružane snage BiH, 23. kolovoza 2012. godine na Spomen obilježju na Igmanu, organizirali su prigodnu ceremoniju na kojoj je tragično nastradalima odata počast i položeni su vijenci.

Poginulim američkim diplomatama i francuskom vojniku vijence su položili veleposlanik SAD u BiH Patrick S. Moon, otpravnica poslova u Veleposlanstvu SAD u BiH gđa Catherine Robinet, ministar obrane BiH Muhamed Ibrahimović, kao i izaslanstva Federacije BiH i Grada Sarajeva.



Ceremoniji su nazočili najviši predstavnici Ministarstva obrane i Oružanih snaga BiH, izaslanstva veleposlanstava SAD-a i R. Francuske, vojno-diplomatski kor u BiH, izaslanstvo Grada Sarajeva i drugi predstavnici federalnih i kantonalnih vlasti, predstavnici međunarodnih organizacija u BiH, te predstavnici NATO stožera i EUFORA u BiH.

Ministar obrane Muhamed Ibrahimović je u svom obraćanju izrazio zahvalnost Vladi SAD i građanima SAD na potpori koju daju Bosni i Hercegovini na njenom putu ka NATO-u i euroatlantskim integracijama, istaknuvši da gubitak američkih diplomata i francuskog vojnika, koji su za mir u Bosni i Hercegovini dali svoje živote, obvezuje sve da stvorimo mirnu,

sigurnu i prosperitetnu budućnost za sve građane u Bosni i Hercegovini.

Nazočnima se obratio veleposlanik SAD-a u BiH gđin Patrick S. Moon izrazivši iskreno žaljenje zbog gubitka američkih diplomata i francuskog vojnika, koji su tragično nastradali nastojeći donijeti i pružiti Bosni i Hercegovini stabilnost i mir. Na kraju je još dodao kako će SAD i ubuduće davati potporu Bosni i Hercegovini na putu ka sigurnoj i prosperitetnoj budućnosti.

Otpravnica poslova francuskog Veleposlanstva u BiH gđa Cathrine Robinet odala je počast poginulim američkim diplomatama i francuskom vojniku i u svom obraćanju podržala Bosnu i Hercegovinu na putu ka stabilnoj europskoj budućnosti.



Delegacija MO Kine posjetila MO BiH



Visoka vojna delegacija Ministarstva odbrane Narodne Republike (NR) Kine, predvođena general-majorom Qin Lihuaom, šefom Ureda vanjskih poslova MO NR Kine, 11. septembra 2012. godine je posjetila Ministarstvo odbrane Bosne i Hercegovine. Goste su, u odvojenim posjetama, primili ministar odbrane BiH, Muhamed Ibrahimović i zamjenica ministra odbrane za politiku i planove, Marina Pendeš, sa saradnicima.

Ministar Ibrahimović je prisutne upoznao sa trenutnom pozicijom Oružanih snaga BiH u kontekstu približavanja NATO savezu, te potrebom modernizacije i osavremenjavanja OS BiH, a s tim u vezi i posebno zahvalio na donacijama koje je 2011. godine NR Kina uručila pripadnicima OS BiH.

Na kraju sastanka potpisan je Memorandum o razumijevanju MO BiH i MO NR Kine, što je nastavak prijateljskih odnosa i saradnje u oblasti odbrane, definiranih Memorandumom o bilatelarnoj saradnji iz 2005. godine.

Zamjenica ministra odbrane, Marina Pendeš, takođe je naglasila značaj materijalne pomoći NR Kine Bosni i Hercegovini od samih početaka reforme odbrane BiH, a visoku vojnu delegaciju NR Kine je upoznala i sa problemima s kojima se susreće MO i OS BiH, prvenstveno kroz neriješeno pitanje perspektivne vojne imovine, te problemom uništavanja viškova naoružanja i municije radi stvaranja sigurnijeg okruženja za građane Bosne i Hercegovine.



Начелник Заједничког штаба ОС БиХ, генерал-пуковник Миладин Милојчић

Изнаћи реформска рјешења

Генерал-пуковник Миладин Милојчић дужност начелника ЗШ ОС БиХ преузео је у јулу 2008. године и од тада је на челу ОС БиХ, што је био разлог да с њим направимо интервју о времену које је иза нас, али и будућим задацим и изазовима везаним за припаднике ОС БиХ.

Господине генерале, на челу ОС БиХ сте од јула 2008. године. Шта бисте издвојили као најзначајнија достигнућа ОС БиХ?



У протекле четири године безбедносни изазови на унутрашњем и међународном плану захтијевали су ефикасне одговоре ОС БиХ. Скуп таквих одговора у реализацији Законом дефинисаних задатака ОС БиХ представља истинска достигнућа. Овом приликом бих посебно истакао да је одржан континуитет процеса реформе ОС БиХ. Нацртом документа „Преглед одбране“ и „Дугорочни план развоја и модернизације“, исказан је тренд и визија дугорочног развоја ОС БиХ. Рад на овим сложеним и важним стратешким документима, константно је подржаван од стране НАТО штаба у Сарајеву, и користим и ову прилику да се захвалим НАТО штабу на пруженој подршци.

Веома је важно нагласити да је, у

условима транзиције персонала и значајних буџетских ограничења, очувана оперативна способност ОС БиХ која је била, јесте и биће предуслов свих достигнућа. У протекле 4 године из ОС БиХ је по разним основама изашло 266 официра, 365 подофицира и 2075 војника. С циљем очувања оперативне способности ОС БиХ, извршена је селекција, обука и примљено је у професионалну службу 2.846 војника. У ПВС је примљено и 25 официра по завршетку војне академије у пријатељским

и партнерским земљама, командно-штабно усавршавање завршило је 58, а генералштабно 33 официра ОС БиХ.

Током 2008. године формирано је Одјељење за оцјењивање познавања страних језика, (STANAG тим), што ће се касније показати као изузетно важан корак у испуњавању других обавеза у процесу евроатланских интеграција. До данас је тестирано и сертификовано „БиХ STANAG 6001“ преко 500 припадника МО и ОС БиХ, којима је на овај начин потврђена језичка способност за учешће у операцијама подршке миру (PSO) укључујући и рад у мултинационалним штабовима, те војно-дипломатским представништвима. С поносом можемо истаћи да услуге STANAG тима ОС БиХ користе и земље у окружењу, а наш STANAG

тим извршио је и едукацију STANAG тима Македоније и Грузије за самосталан рад у овој области.

Свакако је важно нагласити да је у овом периоду започело учешће ОС БиХ у мисији подршке миру (PSO) у Авганистану (ISAF). Истовремено је очуван континуитет учешћа ОС БиХ у UN мисији MONUSCO у Конгу. Квалитет припреме и реализације задатака контингентата ОС БиХ у мировним мисијама (PSO) има за резултат да су ОС БиХ све пожељнији партнер бројним партнерима за заједничко учешће у оваквим мисијама.

Није нескромно рећи да су ОС БиХ дале изузетно велики допринос условном добијању MAP-а (Акциони план за чланство у НАТО-у) за БиХ. Све ове године ОС БиХ су својим капацитетима веома успјешно биле на услузи цивилним властима у условима када су били угрожени животи људи поплавама, снијезним падавинама, пожарима или када је требало извршити хитну медицинску евакуацију. Потврда успјешног ангажовања на овим задацима су и признања која су додијељења ОС БиХ.

Транзиција персонала узроковала је бројне изазове у области деминирања. Међутим, учешће ОС БиХ са 20% укупног деминирања у БиХ је одржано, што такође сматрам веома значајним у анализи достигнућа.

У периоду који је иза нас интензивирана је билатерална и мултилатерална сарадња, успостављена је војна мисија БиХ при НАТО-у у Бриселу, те ангажовани војно-дипломатски представници БиХ у Хрватској, Србији, Турској, САД и Аустрији. Ангажовање ОС БиХ у оквиру различитих форума и иницијатива подигнуто је на ниво заједничког учешћа на вјежбама и заједничког учешћа у мировним операцијама (PSO), а да би се побројала сва достигнућа ОС БиХ у протекле 4 године, требало би знатно више простора. Ја сам покушао указати само на она најзначајнија у односу на задатке ОС БиХ дефинисане Законом о одбрани.

Шта бисте издвојили као најзначајније активности команди и јединица ОС БиХ?

Сарадња и имплементирати их

Команде и јединице ОС БиХ су ангажоване у оквирима додијељене им мисије и задатака који су у функцији те мисије. Команде и јединице у оперативном ланцу приоритетно су ангажоване на активностима припреме јединица за ангажовање у операцији ISAF, праћењу ситуације и извјештавању о ангажовању официра и јединице у подручју операције, оспособљавању јединица номинованих за PSO по PАРP-у (Процес планирања и ревизије) и номинованих јединица за ОСС (Концепт оперативних способности).

Поред наведеног, кључне активности команди и јединица у оперативном ланцу усмјерене су на праћење реализације процеса деминирања, припреми и ангажовању јединица за подршку цивилним органима у реаговању на природне и цивилизацијске несреће, те на реализацију планираних вјежби у земљи и учешће на међународним вјежбама.

Команде и јединице у ланцу подршке реализују кључне активности обуке, управљања персоналом и логистичке подршке задатака које реализују јединице у оперативном ланцу. У процесу обуке на тактичком нивоу, по усаглашеним плановима, важну подршку нам пружа EUFOR, поред осталог и ангажовањем мобилних тренинг тимова. Ово је прилика да се захвалим команди EUFOR-а на напорима које је уложила пружајући подршку обуци наших јединица, уз очекивања наставка успешне сарадње.

Припадници ОС БиХ су учествовали у PSO у Ираку, а сада у Авганистану. Колико то има значаја за приступање евроатлантским интеграцијама?

У PSO у Ираку била је ангажована јединица за НУС, укупно 8 ротација по 38 припадника и једна ротација пјешадијске јединице од 49 припадника. Операција је окончана 17. 11. 2008. године. У операцији ISAF у Авганистану, ОС БиХ учествују у оквиру Регионалне команде „Сјевер“, тренутно са шестом ротацијом од 8 штабних официра. Учешће са штабним официрима у Регионалној команди „Југ“ је окончано, а учествовало је 12 официра кроз 6 ротација. Поред штабних официра у операцији ISAF ангажована је и

пјешадијска јединица јачине 45 људи, у мисији је 4 ротација, а тамо је и 6 инструктора војне полиције.



Из напријед наведеног може се закључити, да је учешће припадника ОС БиХ у PSO значајно, посебно ако се има у виду њихово укупно бројно стање и да смо релативно младе оружане снаге. Учешће у PSO условљено је адекватном оспособљеношћу и опремљеношћу, односно одређеним степеном интероперабилности и компатибилности. То је чињеница која је за ОС БиХ постала изазов на који је требало одговорити адекватним нивоом обучености, познавања стандардних оперативних процедура, стандарда по питању познавања језика и опремљености. Само учешће у PSO представља незамјениво искуство и непресушан извор научених лекција за припрему ангажовања у сличним операцијама у будућности.

Ако се има у виду да је учешће у PSO и развој интероперабилности и компатибилности међусобно условљено, а да је интероперабилност кључна за процес интеграција када говоримо о ОС БиХ, лако је закључити да је учешће у PSO од изузетног значаја за процес евроатлантских интеграција. Поред учешћа у операцијама подршке миру под вођством НАТО-а и UN мировним мисијама, за достизање

одређених стандарда битних за процес евроатлантских интеграција, важна је имплементација обавеза преузетих

кроз PАРP и Индивидуални програм партнерства (IPP) чему су ОС БиХ изузетно посвећене. Међутим, морам поново нагласити да приступање евроатлантским интеграцијама не зависи само од ОС БиХ. Овај веома битан процес условљен је адекватним и очекиваним прогресом сваке институције БиХ, појединачно и свих заједно.

Господине генерале, каква је сарадња ОС БиХ на нивоу регионалних и евроатлантских иницијатива и које мјесто БиХ има у тим процесима?

Регионална одбрамбена сарадња постоји као дио свеукупне сарадње земаља у региону и свакако је у интересу не само земаља у региону, него и у интересу ЕУ и САД, а тај интерес се препознаје у изградњи стабилног и мирног окружења на просторима Југоисточне Европе. Регионална одбрамбена сарадња одвија се кроз различите форме, иницијативе и процесе као што су: SEDM иницијатива (South East Europe Defense Ministerial Initiative), Америчко-Јадранска повеља (A5), Конференција начелника Генералштабова земаља Балкана (B9), SEECN пројект (South Eastern Europe Clearing

House Project) и SEECР (South Eastern Europe Cooperation Process).

БиХ је активан члан свих ових регионалних иницијатива, јер сматрамо да свака од њих на свој начин доприноси изградњи мјера повјерења, сарадње и добросусједских односа међу земљама региона.

БиХ ће бити домаћин наредног састанка SEDM-а на министарском нивоу у октобру ове године, а припреме за реализацију овог догађаја су у току. Цијенимо да Америчко-Јадранска повеља (А5) даје веома значајан потицај и допринос земљама чланицама на путу евроатлантских интеграција. Од три чланице, оснивача овог форума, Хрватска и Албанија су примљене у пуноправно чланство НАТО савеза, док је Македонија у MAP-у, а Црна Гора је већ активна у провођењу MAP-а, док је БиХ условно добила MAP. Значајно је нагласити да је БиХ у оквиру А5 учествовала на вјежби „IMMEDIATE RESPONSE“, а у оквиру А5 договорена је реализација заједничког учешћа инструктора војне полиције у операцији ISAF. Осим тога, БиХ је била домаћин начелника генералштабова чланица А5 2010. године.

Конференција начелника ГНШ земаља Балкана реализује се једном годишње, истом пресједава начелник ГШ земље домаћина. Припрема конференције реализује се у оквиру координационе подгрупе, подгрупе за обуку и подгрупе за асиметричне пријетње. Приоритет у раду представљају заједничке процјене безбједносних пријетњи региону, заједничке вјежбе, научене лекције, евентуално стварање заједничких капацитета, што смањује појединачне трошкове чланица, да би се успјешније одговорило изазовима. БиХ је преузела обавезу домаћина Конференције начелника ГНШ Б9, 2014. године.

Све су ово чињенице које показују да је регионална војна сарадња у протекле четири године интензивирана у оквиру наведених иницијатива. Конкретни резултати у виду заједничке обуке и вјежби, као и заједничког ангажовања инструктора војне полиције у операцији ISAF видљиви су у пракси. ОС БиХ активно и равноправно учествује у раду регионалних форума и иницијатива, што је препознато како од земаља региона, тако и од важних партнерских земаља изван овог региона, које овај регион сматрају изузетно важним за глобалну безбједност.

Да ли је било значајније модернизације ОС БиХ током протеклих година и какви су планови за будућност по том питању?

Веома неповољна структура буџета за одбрану током протеклих година негативно се одразила на модернизацију ОС БиХ. Персонални трошкови у просјеку су захватили преко 75% буџета за одбрану, док је преостали дио буџета већим дијелом покривао оперативне трошкове, тако да су средства за капитална улагања и модернизацију била готово занемарива. Донација наоружања и војне опреме кроз различите програме војне помоћи током протеклих година представљала је једини вид модернизације ОС БиХ. Више партнерских земаља донирало је наоружање или војну опрему ОС БиХ, и ја им се овом приликом захваљујем на донираним средствима.

Донирано наоружање и опрема распоређени су приоритетно номинованим јединицама за мировне операције (PSO) по PАРP-у, те номинованим јединицама за концепт оперативних способности (ОСС) које су номинацијом стекле примат у достизању одређених оперативних способности.

Што се тиче планова за будућност када је у питању модернизација ОС БиХ, немамо пуно избора. У стварању услова за озбиљније улагање у модернизацију могуће је ићи у два правца. Први је смањење персоналних трошкова, а други је повећање удјела буџета за одбрану у GDP БиХ. Оба ова правца разматрани су у оквиру „Прегледа одбране“, којим је пројектовано свођење персоналних трошкова на 65% буџета за одбрану, оперативних трошкова на 20%, чиме би уддио трошкова модернизације био 15% буџета за одбрану. Пројекцијом је предвиђено и постепено повећање удјела буџета за одбрану до 2% GDP БиХ.

Свакако да је за све пројекције веома важна реалност и свијест о дубини и продуженом трајању економске кризе у БиХ, што ће се, нажалост, још извјесно вријеме негативно одражавати на процес модернизације ОС БиХ.

У вези с тим, како одобрени буџет за одбрану у 2012. години утиче на извршавање текућих и планских задатака?

Одобрени буџет за одбрану у протеклим годинама био је знатно мањи у односу на буџетске захтјеве МО БиХ.

Конкретно, одобрени буџет за одбрану био је мањи у односу на буџетски захтјев 2008. године за 24,8 милиона КМ, 2009. године за 118,2 милиона КМ, 2010. године за 112,3 милиона КМ. У 2011. години није било одобреног буџета већ се финансирање одвијало на основу одлука о привременом финансирању. Буџет за одбрану у текућој 2012. години одобрен је на основу извршења буџета у 2011. години које је износило 293.351.530 КМ. Наведени износ за 2012. годину увећан је за износ планиран за исплату пензија отпуштених припадника ОС БиХ, а висина одобреног буџета за 2012. годину не оставља простор за побољшање структуре буџета за одбрану, тако да ће средства за модернизацију ОС БиХ и даље бити изузетно мала. Посебно морам нагласити, да ће кашњење усвајања буџета, неминовно оставити негативан утицај на извршење текућих и планских задатака. Због недостатка средстава, већ су отказане неке од раније планираних активности, као нпр. STX вјежбе и спортско такмичење ОС БиХ. Анализе које су у току показале које од планираних активности ће бити потребно препланирати или отказати због недостатка финансијских средстава.

И за крај, господине генерале, какви су планови и очекивања у будућности?

Период који је пред нама обиљежиће изазови одржавања постојећег и изазови проширења учешћа у PSO под вођством НАТО-а и UN мировним операцијама.

По рјешавању услова за MAP, очекују нас додатни изазови по питању имплементације обавеза које ће бити преузете кроз Акциони план за чланству у НАТО-у, а процес реформе ОС БиХ треба уистину схватити као сталан процес, а не као скуп цикличних догађаја. Према томе, пред нама је период константног изналажења реформских рјешења и њихове имплементације.

Изазови са којима смо се суочавали протеклих година, а који ће бити присутни и у будућности, везани су за рјешавање вишкова непокретне и покретне војне имовине, посебно вишкова наоружања, муниције и МЕС-а, а ту су и изазови везани за деминирање и подршку цивилним властима у реаговању на природне и цивилизацијске несреће.

Састанак шефова одбране у ISAF формату

У сједишту НАТО-а у Бриселу, 24. и 25. априла 2012. године, под предједавањем генерала Knud Bartelsa, предједавајућег NATO Војног комитета, одржана је серија састанака шефова одбране у више формата и по више актуелних тема. Шефови одбране су разговарали о развоју NATO вођених операција, лекцијама које су научене у досадашњим операцијама и будућим



начинима сарадње са партнерима. Делегацију БиХ је предводио гене-

рал-пуковник Миладин Милојчић, начелник ЗШ ОС БиХ. У саставу делегације били су и представници војног дијела Мисије БиХ при NATO. Делегација је учествовала на састанку шефова одбране држава које учествују у операцији ISAF, а током боравка у Бриселу генерал Милојчић се срео са више шефова одбране земаља чланица NATO-а и партнерских земаља.

Predstavnici NATO i EUFOR-a u posjeti OS BiH

Делегацију Командног елемента EU, којег је предводио начелник штаба Заједничких снага NATO-а из Напуља, генерал-пуковник Leandro De Vinsenti и командант EUFOR-a, генерал-мајор Robert Briger, су 19. јуна 2012. године посетили OS BiH. Госте је, у име начелника ЗШ OS BiH, примио генерал-мајор Rizvo Pleh са сарадницима.

Токком састанка размјенила су мишљења о наставку сарадње, а генерал De Vinsenti је истакао да су представници БиХ, односно OS BiH "власници" процеса развоја и да они треба да одреде приоритете и правец којим се жеље кретати, а да су NATO и EUFOR спремни пружити подршку у достизању зацртаних циљева.

General Pleh се захвалио представницима командног елемента EU на досадашњој подршци коју су пружили OS BiH на путу ка достизању NATO стандарда.



Sastanak načelnika glavnih stožera zemalja SEDM-a



Замјеник начелника ЗС OS BiH, генерал-бојник Anto Jeleč, био је на челу изасланства које је концем липња 2012. године судјелоvalo на састанку замјеника начелника главних стоžера земаља SEDM у Sofiji.

Главне теме састанка су биле продубљивање односа у овој организацији, саследивање најважнијих реализираних активности након састанка одржаног у Истанбулу 2011. године, те разматрање приједлога о сталној локацији Бригаде југоисточне Европе (SEEBRIG).

NATO конференција стратешких војних партнера

Начелник ЗШ ОС БиХ генерал-пуковник Миладин Милојчић, у периоду од 18. до 20. јуна 2012. године, предводио је делегацију ОС БиХ на NATO конференцији стратешких војних партнера у Загребу. Конференцију је организовала Савезничка команда за трансформацију NATO-а и Министарство одбране Хрватске, а било је преко 200 учесника, нивоа начелника генералштабова оружаних снага из 56 земаља чланица NATO-а, Партнерства за мир, Медитеранског дијалога и Истанбулске иницијативе за сарадњу. Најважнија тема о којој је разговарано била је NATO самит у Чикагу и његове стратешке импликације

на међународну безбједност. Поклоњена је пажња и стабилности и регионалној безбједности у подручју Средњег Истока, Сјеверне Африке и Персијског заљева као теми од интереса за све учеснике Конференције. Било је ријечи и о импликацијама иницијативе повезаних снага са акцентом на образовању, тренингу, заједничким вјежбама и одбрамбеној индустрији, а кроз радне групе се расправљало о будућем развоју партнерства земаља учесница, о образовању и тренингу отвореном свим партнерским земаљама, као и стратешким посљедицама побољшања у подручју енергетске ефикасности у војном дјеловању.

6. konferencija načelnika štabova zemalja Balkana



Zamjenik načelnika ZŠ OS BiH, general-major Rizvo Pleh, bio je na čelu delegacije koja je polovinom juna učestvovala na 6. konferenciji načelnika štabova zemalja Balkana u Sofiji. Cilj

konferencije bio je unapređenje vojne saradnje zemalja Balkana sa težištem na zajedničkoj edukaciji, treninzima i vježbama različitog nivoa i karaktera kao i zajedničkom sagledavanju i procjenjivanju asimetričnih i drugih sigurnosnih prijetnji u regionu.

Potpisana je i zajednička izjava u kojoj se, između ostalog, naglašava težnja za međusobnom saradnjom i data su usmjerenja po pitanju zajedničkih aktivnosti u narednoj godini. Također je dogovoreno da 2013. godine domaćin konferencije bude Albanija i inicirano da BiH ovu konferenciju organizuje 2014. godine.

Osim predstavnika zemalja učesnica, konferenciji su prisustvovali i predstavnici NATO-a, Američke komande za Evropu (USEUCOM), te predstavnici oružanih snaga Hrvatske i Slovenije.

Konferencija komandanata kopnenih snaga u Tirani

Brigadni general Ivica Jerkić, komandant Operativne komande OS BiH, predvodio je delegaciju BiH na 7. susretu i razgovorima savezničkih načelnika komandi (ACAST) i Konferenciji komandanata kopnenih snaga (LCC) održanima 8-10. maja 2012. godine u Tirani (Albanija).

Konferencijom je predsjedavao komandant Štaba Komande Alijanse Heidelberg, američki general-pukovnik John V. Morgan III, a, osim 26 komandanata kopnenih vojski članica i predstavnika NATO-a, Konferenciji su prisustvovali delegati 10 zemalja članica Partnerstva

za mir među kojima Jermenija, Austrija, Azerbejdžan, Bosna i Hercegovina, Crna Gora, Gruzija, Makedonija, Srbija, Švajcarska, Ukrajina, te Bahrain i Alžir kao zemlje članice Mediteranskog dijaloga, potom Izrael i Ujedinjeni Arapski Emirati kao potpisnici Istanbulske inicijative.

Na Konferenciji se raspravljalo o ulozi NATO-a u 21. stoljeću, novoj komandnoj strukturi NATO-a pri transformaciji i uspostavljanju nove Komande kopnenih snaga u Izmiru (Turska), kao i edukaciji i obukama u NATO-u, kako NATO članica tako i iz perspektive zemalja partnera.



Konferencija komandanata kopnenih vojski (ACAST - LCC Conference 2012) poslužila je da se podstaknu dijalozi i ojačaju veze između vojnih organa NATO-a i partnera.

Konferencija dočasnika članica A5



Druga konferencija dočasnika zemalja članica Američko-Jadranske povelje (A5) održana je u Sarajevu u razdoblju 12.-15. lipnja 2012. godine, a pored dočasnika iz zemalja članica A-5 konferenciji su nazočili i glavni dočasnici iz misije ISAF u Afganistanu, USEUCOM-a, NATO zapovjedništva Napulju, NATO zapovjedništva u Sarajevu, Marylanda-SAD i drugi. Konferenciju je, u ime načelnika ZS OS BiH, otvorio brigadni general Mirko Tepšić, zamjenik zapovjednika Operativnog zapovjedništva za resurse, istaknuvši značaj okupljanja zemalja u okviru A-5 i provođenje različitih aktivnosti u sklopu iste.

Fokus Konferencije je bio na poboljšanju zajedničke preduputne obuke što predstavlja jamstvo za poboljšanje pripreme, organizacije i realizacije mirovnih operacija OS BiH.

Glavni dočasnik ZS OS BiH, Mario Bagarić, naglasio je značaj razvoja dočasničkoga kora, jer se oni neposredno bave realizacijom zadaća, dok je glavni dočasnik misije ISAF u Afganistanu, glavni zapovjedni narednik Thomas R. Capel, između ostalog, naglasio neophodnost suradnje dočasničkoga kora pri realizaciji zadataka tijekom operacija potpore miru.



Komandant EUFOR-a u OK OS BiH



Vršilac dužnosti komandanta Operativne komande OS BiH, brigadni general Ivica Jerkić, primio je 3. maja 2012. godine u posjetu komandanta EUFOR-a, brigadnog generala Roberta Briegera sa suradnicima zaduženim za realizaciju zajedničke obuke EUFOR-a i OS BiH, a tema sastanka je bila novi koncept dodijeljenih timova EUFOR-a jedinica OK OS BiH, koji će raditi na unapređenju procesa zajedničke obuke.

Planirano je da u junu 2012. godine otpočne pilot-projekat sa jednim timom

EUFOR-a, koji bi bio dodijeljen 6. pbr, a iskustva pilot-projekta bi bila iskorisćena u implementaciji koncepta, čiji početak se očekuje na jesen 2012. godine. General Jerkić je naglasio važnost zajedničke obuke u procesu standardizacije jedinica OS BiH i priprema za izvršenje misija van zemlje, a novi koncept dodijeljenih timova bi bio iskorak sa taktičkog nivoa saradnje EUFOR-a i OS BiH u procesu obuke ka operativnom pa i strategijskom nivou.



Бечки документ 2011

„Бечки документ 2011“ резултат је дуготрајног и мултилатералног процеса иницираног од стране OSCE-а, с циљем јачања повјерења и безбједности, постизање разоружања и уздржавање од пријетњи и употребе силе у међународним односима. Постоји више различитих инструмената који су на располагању земљама учесницама „Бечког документа 2011“ у постизању ових циљева, а најзначајнији, са аспекта ангажованих материјалних, персоналних и других ресурса, су инспекције и евалуације.

Током првих шест мјесеци 2012. године на територији БиХ реализоване су све пасивне квоте планиране за ову годину по „Бечком документу 2011“. Проведене су четири активности, од чега посљедња инспекција специфичног подручја од стране Хрватске, која је изведена од 12. до 15. јуна 2012. године, као и додатна евалуација која је резултат билатералне сарадње између ОС Њемачке и ОС БиХ, а реализована је у 6. пјешадијској бригади ОС БиХ, од 22. до 24. маја 2012. године, од стране евалуацијског тима СР Њемачке.

Званична оцјена, презентована од стране инспекцијских и евалуацијских тимова на мрежи OSCE-а је, да БиХ у потпуности испуњава све обавезе у духу „Бечког документа 2011“, те тиме даје вриједан допринос у изградњи повјерења и безбједности у Европи.

Saradnja između Ministarstva odbrane BiH i NATO štaba Sarajevo

Međunarodne organizacije koje su aktivno učestvovala u procesu reforme odbrane u BiH su na NATO samitu u Istanbulu 2004. godine donijele odluku da NATO preuzme obavezu za podršku procesu odbrane u BiH. NATO štab Sarajevo je uspostavljen u skladu s tom odlukom, kao jedan od dva prava sljednika SFOR-a (drugi pravni sljednik je EUFOR).

NATO štab Sarajevo je zvanično uspostavljen 1. decembra 2004. godine, s mandatom da savjetuje organe vlasti u BiH u procesu reforme odbrane, uključujući koordinaciju aktivnosti vezanih za članstvo u Partnerstvu za mir kako bi se dala podrška nastavku euroatlantskih integracija. Od juna 2012. godine na čelu NATO štaba je brigadni general Walter Lord.

INTERVJU - komandant NATO štaba Sarajevo



Kao prvo, želimo Vam toplu dobrodošlicu u Bosnu i Hercegovinu i ljubazno Vas molimo da s nama podijelite svoje prve utiske.

Dozvolite mi, kao prvo, da kažem da sam jako sretan što sam se vratio u Bosnu i Hercegovinu. Kada sam otišao prije deset godina, rekao sam prijateljima, porodici i kolegama da sanjam da se jednog dana ovdje vratim, ali zaista nisam mislio da će mi se taj san ostva-

riti - presretan sam da jeste.

Ovdje sam od kraja juna i za ovo vrijeme bio sam na sjeveru do Tuzle i na jugu, do Mostara, i prisustvovao velikom broju javnih događaja u raznim drugim mjestima. Prvi utisci su mi vrlo lijepi jer sam vidio veliki napredak koji je BiH ostvarila u obnovi ratom porušene infrastrukture. Znao sam i prije deset godina da BiH ima nevjerovatan potencijal i da se ljepota zemlje krije

duboko ispod ožiljaka rata. Ohrabrujuće je vidjeti da su mnogi fizički ožiljci zacijelili i da je ljepota izbila na površinu.

Jedna stvar koja se nije promijenila je toplina, gostoljubivost i prijateljstvo ljudi u BiH. Gdje god sam putovao, ljudi su nam otvarali urede, domove i

Kao novi komandant, planiram dodati još dva prioriteta na svoju listu. Prvo, namjeravam ojačati naše napore u pružanju pomoći Ministarstvu odbrane u oblasti reforme sektora logistike. Od ključnog je značaja za OSBiH i MO da se pojednostavi proces finansiranja, naoružavanja, ishrane, snabdijevanja gorivom i opremanja jedinica. Nikada nije lako riješiti se birokratije, ali prije svega trebamo imati na umu da su vojnici ti koji trpe kada logistički sistem zakaže.

Drugo, namjeravam u svakoj prilici naglašavati vitalnu ulogu podoficirskog kora. Sa mnom je ovdje došao vrlo energični i dinamični glavni narednik, Scott Haymaker i ovlastit ću ga da uradi sve što može kako bi se ojačala uloga podoficira u jedinicama OS BiH. Niti jedna vojska ne može biti uspješna bez profesionalnih, obučanih i angažiranih podoficira i nadamo se da ćemo stvoriti okruženje u kom će podoficiri biti vidljiviji i dobiti više odgovornosti u cjelokupnim OSBiH.



srca, a time je naš ponovni dolazak ovdje još ljepši i ispunjeniji.

Pretpostavljamo da Vas je Vaš prethodnik, brigadni general Gary Huffman, informirao o trenutnim aktivnostima u MO i OSBiH, te dosadašnjim uspjesima. Prema Vašem mišljenju, koji su to najvažniji pomaci?

Bez sumnje, najvažniji pomak je uspostava jedinstvenih Oružanih snaga Bosne i Hercegovine. Kada sam bio ovdje prije deset godina, u okviru dvanaeste rotacije SFOR-a, saradivali smo sa dvije vojske: Vojskom Federacije BiH i Vojskom RS. Iako nije bila nemoguća, ipak je takva situacija pomalo otežavala saradnju. U praktičnom smislu, puno je efikasnije bilo u mogućnosti raditi sa jednom, ujedinjenom vojskom. Iako mislim da još uvijek ima stvari koje treba uraditi, moj prvi utisak je da su OSBiH učvrstile jedinstvo komandovanja koje je apsolutno i izuzetno važno za efikasne državne odbrambene snage. Jedinice OSBiH koje se nalaze u ISAF-u su izuzetan primjer upravo toga i ja vjerujem da bismo trebali uraditi sve što možemo da podcrtamo uspjeh ovih integriranih misija u inostranstvu.


Na šta bismo, po vašem mišljenju, trebali staviti akcenat u narednom periodu i šta će biti vaši prioriteti u radu?

Usmjerit ću svoju energiju na nastavak aktivnosti koji je započeo brigadni general Huffman. Najvažnija među ovim pitanjima su nastavak reforme odbrane, rješavanje viškova vojne imovine, rješavanje viškova naoružanja i municije.

Uz pomoć NATO štaba Sarajevo, Ministarstvo odbrane ostvarilo je značajan napredak u oblasti rješavanja pitanja nepokretne vojne imovine i sada je to pitanje u rukama političkih vođa u

BiH. Dok se ne nađe konačno rješenje za ovo pitanje, mi ćemo osigurati da se ono ne izgubi iz vida i da nastavimo našu podršku na istom nivou.

Zabrinjava me situacija s viškovima naoružanja i municije u cijeloj zemlji. Kao oficira, brine me mogućnost da ova osjetljiva vojna oprema nije propisno osigurana i evidentirana. Kao ljudsko biće, brinem se za sigurnost vojnika koji rukuju takvom opremom ili rade u njenoj blizini, a podjednako me brine i sigurnost građana BiH koji žive u blizini. Upravo zbog toga će ovo pitanje definitivno biti jedan od mojih prioriteta.



Otpust vojnog personala i NATO PERSPEKTIVA program

MO BiH i OS BiH su se s procesom tranzicije i otpusta vojnog personala, uslovljenog primjenom Zakona o službi u OS BiH, prvi put sreli početkom 2010. godine, kada jednom broju vojnika nije bilo moguće produžiti ugovor o profesionalnoj vojnoj službi, zbog ograničenja starosne granice od 35 godina života i 15 godina vojne službe. Zbog toga je, od početka 2010. godine do sada, iz OS BiH ukupno otpušteno 1.948 vojnika, od čega u 2010. godini 1.767 vojnika, a u 2011. godini 181 vojnik. Da bi im bila olakšana reintegracija u civilni život, poduzeti su koraci na unutrašnjem i međunarodnom planu. Tako su u maju 2009. godine otvorena tri regionalna tranzicijska centra (Banja Luka, Rajlovac i Mostar), a četvrti centar je 16. aprila 2012. godine otvoren u Tuzli.

U sva četiri centra (centar iz Mostara je aprila 2012. godine predislociran u Čapljinu) su aprila 2012. godine izvršene organizacijske promjene i transformisani su u centre za regrutaciju i tranziciju, tako da su na istoj lokaciji objedinjene regrutna i tranzicijska funkcija upravljanja ljudskim resursima u MO i OS BiH.

Odluka o uspostavi NATO-PERSPEKTIVA programa za BiH donesena je u sjedištu NATO-a 20. maja 2010. godi-

Prijem personala

U prvoj polovini 2012. godine u Centru za osnovnu obuku OS BiH obuku je završila jedna klasa od 300 kandidata za prijem u profesionalnu vojnu službu (PVS). Njihovo raspoređivanje u jedinice OS BiH očekuje se u februaru 2013. godine, kada jednom broju sadašnjih vojnika ističe ugovor.

Istovremeno, na javni oglas za prijem kandidata u PVS, raspisan 29. marta 2012. godine, za 300 pozicija prijavilo se preko 6.600 kandidata, a testiranja za one koji su dostavili kompletnu dokumentaciju trajalo je od 21. maja do 24. jula 2012. godine.

ne, a vrijeme implementacije projekta je od 1. oktobra 2010. do 30. septembra 2012. godine, s mogućnošću produženja do kraja 2012. godine.

Asistencija i pomoć otpuštenom personalu se ogleda u direktnoj podršci za početak ili proširenje biznisa, prekvalifikaciji ili inicijativi za zapošljavanje. Od ukupno otpuštenih 1.948 lica, u NATO-PERSPEKTIVA program registrovalo se 1.784 lica ili 91,58%. Do sada je za pokretanje poljoprivrene proizvodnje pomoć dobilo 219, a za proširenje 768 lica; zaposleno je 6 lica, pokrenulo samozapošljavanje 231 lice, a proširilo samozapošljavanje 223 lica, dok se za edukaciju opredijelilo 12 lica.

To su pokazatelji izuzetnih rezultata implementacije, a kvalitet rada se odražava kroz visok stepen zadovoljstva korisnika i zadovoljstvo drugih ključnih zainteresovanih strana, poput NATO-a, donatora, te Parlamenta BiH. U budućnosti postoje mogućnosti za dogradnju programskih aktivnosti kroz psiho-socijalnu podršku i dodjelu drugih grantova za olakšavanje ekonomske održivosti korisnika.

Proces tranzicije vojnog personala biće nastavljen i u narednim godinama, a po sadašnjim pokazateljima, do kraja 2017. godine biće otpušteno 1.282 vojnika, tako da su u toku aktivnosti na pronalaženju mogućnosti produženja vremena implementacije NATO - PERSPEKTIVA programa i na 2013. godinu.

Otvoren Centar za regrutaciju i tranziciju u Tuzli

U okviru NATO PERSPEKTIVA programa, Ministarstvo odbrane BiH, u saradnji sa Međunarodnom organizacijom za migracije (IOM) u BiH, 16. aprila 2012. godine, otvorilo je Centar za regrutaciju i tranziciju u kasarni „Dubrave“ u Tuzli.

Centar je otvorio ministar odbrane BiH, mr. Muhamed Ibrahimović, ističući kako je Centar uspostavljen radi jačanja i dogradnje tranzicijskih kapaciteta MO i OS BiH u okviru NATO Perspektiva programa za BiH, te da će doprinijeti ispunjenju strateških ciljeva MO BiH, a zahvalio se zemljama liderima i zemljama donatorima na podršci koju su pružile i pružaju u implementaciji programa NATO Perspektiva u BiH.

Pored ministra Ibrahimovića, ceremoniji otvaranja centra prisustvovali su i zamjenik ministra odbrane za upravljanje resursima Mirko Okolić, predstavnici međunarodnih organizacija u BiH, ambasador SAD-a u BiH Patrick Moon, ambasador Velike Britanije u BiH Nigel Casey, komandant NATO štaba u Sarajevu, brigadni general

Gary Huffman, predstavnik norveške ambasade za BiH i zamjenik komandanta NATO štaba u Sarajevu, pukovnik dr. John Olsen, te šef Misije IOM-a Gianluca Rocco.

Prisutni međunarodni zvaničnici su istakli da funkcionisanje OS BiH treba biti primjer za ostale segmente u BiH, te da će njihove vlade i dalje pružati podršku BiH na njenom putu ka NATO-u i evroatlantskim integracijama.



Operacije potpore miru


Angažiranjem pripadnika OS BiH u misijama potpore miru, iskazano je opredjeljenje BiH da, kao odgovorna članica međunarodne zajednice, želi i može pružiti doprinos zajedničkim naporima za uspostavu i očuvanje mira i stabilnosti u svijetu. Pored unaprijeđenja odnosa sa koalicijskim partne-

rima, pokazuje se i konkretno demonstrira napredak koji je učinjen u BiH, a koji je u neposrednoj vezi s procesom implementacije reforme u oblasti obrane. Također, stvaraju se bolji preduvjeti i povećava kredibilitet u nastojanjima za pristupanje BiH euroatlantskim vojno-političkim integracijama.

Četvrta rotacija pripadnika OS BiH u Afganistanu

Četvrtoj rotaciji pripadnika OS BiH za misiju ISAF, upriličen je 27. ožujka 2012. godine svečani ispraćaj u vojnoj bazi "Dubrave" kod Tuzle, a ceremoniji su nazočili najviši dužnosnici MO i OS BiH, Zapovjedništva NATO stožera u BiH, EUFOR-a, predstavnici veleposlanstva u BiH, obitelji i rodbina pripadnika upućenih u misiju. Inače, postrojba je iz sastava 5. pbr, broji 45 pripadnika, od čega dvije pripadnice ženskog spola, a misiju izvršava u sastavu Danske borbene grupe koalicijskih snaga u Afganistanu, na osiguranju vojne baze "Price" u provinciji Helmand. Samom odlasku prethodila je vrlo zahtjevna šestomjesečna obuka kroz koju je prošlo 80 kandidata.

Dvadesetak dana kasnije, upriličen je svečani doček za pripadnike treće rotacije u vojarni "Kozara" u Banjaluci, a na svečanosti su pojedincima koji su postigli posebne rezultate tijekom misije uručena prigodna priznanja. Peta rotacija pripadnika OS BiH će početkom listopada u misiji ISAF zamijeniti Četvrtu rotaciju, a svečani ispraćaj ove rotacije planiran je 26. 09. 2012. godine.



Instruktori iz OS BiH u Vojno-policijskoj školi u Afganistanu

Pripadnici OS BiH od 29. veljače 2012. godine sudjeluju u radu Vojno-policijske škole, odnosno NATO misije za obuku afganistanskih snaga sigurnosti. Svi instruktori su iz sastava oružanih snaga zemalja članica Američko-Jadranske povelje. Ulogu vodeće nacije u uspostavljanju i radu vojno-policijske škole je preuzela Hrvatska, a spremnost da sudjeluju su

pokazale i ostale članice potpisnice Povelje A-5, te Slovenija. Prva rotacija instruktora vojne policije OS BiH koja je obavila šestomjesečnu misiju u školi vojne policije u Kabulu (Afganistan) vratila se u BiH 21. 09. 2012. godine, a druga rotacija instruktora OS BiH se već nalazi na izvršenju dodeljene misije u Afganistanu.

OS BiH i Nacionalna garda Maryland

Predsjedništvo BiH je, na prijedlog MO BiH, dalo načelnu suglasnost za aktivnost zajedničkog upućivanja postrojbe vojne policije OS BiH sa pripadnicima Nacionalne garde države Maryland u ISAF misiju. Sukladno zakonskoj proceduri, u tijeku je koordinacija aktivnosti za upućivanje pripadnika OS BiH u ovu misiju potpore miru.



UN misija potpore miru u Kongu (MONUSCO)

UN-a misija potpore miru u Demokratskoj Republici Kongo uspostavljena je u studenom 1999. godine. U toj misiji OS BiH su sudjelovali sa časničkim kadrom u svojstvu vojnih promatrača. Do sada je iz sastava OS BiH sudjelovalo 11 rotacija, po 5 časnika.

Oni su u Kongu u svojstvu promatrača UN-a i njihova zadaća je kontrola provođenja rezolucija Vijeća sigurnosti UN-a. Taj rad se ogleda u komuniciranju sa lokalnim stanovništvom, organizaciji dostave humanitarne pomoći, izviđanju i dostavljanju izvješća o stanju na kontroliranom teritoriju sa težištem na krizna područja, kao i pomoći lokalnim organima u nadgledanju predsjedničkih i parlamentarnih izbora u Demokratskoj Republici Kongo koji su održani u studenom 2011. godine.



Aktivnosti BiH u okviru saradnje i partnerstva sa NATO-om



Sigurnost BiH povezana je sa sigurnošću i perspektivama neposrednog okruženja, Evrope i međunarodne zajednice u cjelini. Integracije u okviru regionalnih, evropskih i evroatlantskih kolektivnih sigurnosnih struktura su prioritetna područja djelovanja BiH, a koncept kolektivne vojne sigurnosti je prihvaćen kao osnova dugoročne vojne strategije. Ključni elemenat za to je postati članicom NATO-a. U izjavi koju je 2001. godine dalo Predsjedništvo BiH stoji:

“BiH je spremna prihvatiti obaveze i prava u porodici ravnopravnih evroatlantskih naroda, te učestvovati i aktivno pridonositi kolektivnoj sigurnosti. Radi toga, spremni smo, uz pomoć NATO-a, raditi na reformi odbrambenog sistema i preustroja vojski u BiH kako bismo pristupili navedenim integracijama“.

S tim u vezi, MO i OS BiH konstantno rade na realizaciji zadataka iz Individualnog partnerskog akcionog plana BiH-e (IPAP), Procesna planiranja i revizije (PARP), Individualnog partnerskog programa (IPP), te pripremi elemenata

za ispunjavanje uslova za prijem u Akcijski plan za članstvo (MAP), a u okviru toga i nizu drugih aktivnosti.

Individualni partnerski akcioni plan BiH (IPAP)

Prezentacijski dokument IPAP ima 4 poglavlja, a to su: politička i sigurnosna pitanja; odbrambena i vojna pitanja i javna diplomacija; upravljanje krizama i planiranje odgovora na vanredne situacije, te administrativna pitanja, pitanja sigurnosne zaštite i resursa.

U okviru IPAP za period 2011-2013. godine MO i ZŠ OS BiH planirale su 48 aktivnosti i 15 ciljeva u raznim oblastima kao što su: odbrambene reforme, odbrambeno planiranje, vojne operacije, upravljanje ljudskim resursima, vojna infrastruktura i pokretna imovina, ekonomika odbrane i dr. Generalna ocjena je da je realizacija planiranih aktivnosti bila uspješna, da su planirani ciljevi najvećim dijelom ostvareni, posebno imajući u vidu složenu situaciju izazvanu

Izgradnja operativnih centara u MO BiH

U saradnji sa USEUCOM-om Sektor K4UI je u prvoj polovini 2011. izradio idejni projekat izgradnje operativnih centara na lokacijama komandi OS BiH.

Kroz idejni projekat dato je rješenje na osnovu kojeg će biti izrađena potrebna dokumenta kako bi Vlada SAD-a, kroz FMS program, odobrila finansijska sredstva za izgradnju operativnih centara u OS BiH. U zavisnosti od visine odobrenih sredstava i iskazanih prioriteta u idejnom projektu, izgradnjom operativnih centara bili bi uspostavljeni napredni servisi za podršku rada komandi OS BiH, kako u procesu komande i kontrole tako i u procesu svakodnevnih aktivnosti. Realizacijom ovog projekta, gotovo u potpunosti bi bilo realizovano svih pet partnerskih ciljeva iz oblasti K4UI.

S tim u vezi, u zgradi MO BiH izgrađen je Operativni centar za komandu i kontrolu institucija odbrane BiH (OCK2IO BiH). I on je finansiran od strane Vlade SAD-a kroz FMS program. Vlada SAD je izrazila spremnost da finansira izgradnju operativnih centara u komandama OS BiH kako bi OCK2IO BiH mogao biti u punoj funkciji.

privremenim finansiranjem institucija BiH, a time i nedovoljnim budžetom za provođenje planiranih aktivnosti.

U narednom periodu MO BiH nastavlja implementaciju planiranih aktivnosti trenutnog ciklusa IPAP-a.

Proces planiranja i revizije (PARP)

Krajem 2011. godine, BiH je dobila prijedlog novih partnerskih ciljeva (PG), od kojih je delegacija MO BiH prihvatila 39, od toga 5 potpuno novih. Od ukupnog broja partnerskih ciljeva 23 su opća, 11 za kopnene i 5 za zračne snage i svi su usaglašeni sa NATO štabom. No, procjena je da, zbog trenutne situacije u oblasti budžetskog finansiranja, do kraja 2012. godine neće doći do značajnijeg napretka u opremanju i modernizaciji jedinica.

Iako je implementacija drugog seta PG-a, u osnovi zadržala trend pozitivnog progressa, posebno u domenu imple-

mentacije PG-a koji su u nadležnosti ZŠ OS BiH, osnovni razlozi za otežanu implementaciju PG-a su nedovoljna nabavka potrebne opreme zbog ograničenih finansijskih sredstava, što ZŠ OS BiH pokušava prevazići kroz izradu tzv. „paketa sposobnosti“, kao i putem donacija od strane partnerskih zemalja. Posebna pažnja posvećena je obuci jedinica koje su deklarirane u okviru PARP procesa. Analize rađene na nivou MO i OS BiH se redovno dostavljaju NATO štabu u Sarajevu, kao i Komandi združenih snaga u Napulju, a konstantno se radi na razvijanju planova za implementaciju novih i postojećih PG, nastavku aktivnosti u okviru OCC koncepta, posebno realizaciji ocjenjivanja deklariranih jedinica na nivou NEL-1.

Individualni partnerski program (IPP)

IPP predstavlja operativno „prevode-nje“ ciljeva navedenih u prezentacijskom dokumentu i partnerskih cilje-

va dogovorenih sa NATO-om tokom PARP procjene. Taj „prevod“ se vrši kroz odabir posebnih aktivnosti uvrštenih u Evroatlantski partnerski radni program (EAPWP). IPP se planira za period od dvije godine, a revidira i ažurira svake godine.

IPP između Bosne i Hercegovine i NATO-a za 2011. godinu sastojao se od 27 područja suradnje i 194 događaja. Od toga je MO imalo 36, a OS BiH 140 događaja, Ministarstvo vanjskih poslova 2, Ministarstvo sigurnosti 13, Direkcija za evropske integracije 2, a Ministarstvo pravde 1 događaj. Od planiranih događaja realizirana su 152 događaja, odnosno 79 %, što je ujedno i najveći godišnji procenat realizacije od 2007. godine kada je realizacija iznosila 50 %.

Za 2012. godinu usaglašen je IPP između BiH i NATO za 2012. godinu i to za MO BiH 25 događaja, za OS BiH 138, Ministarstvo vanjskih poslova 3 i Ministarstvo sigurnosti 22 događaja.

Akcijni plan za članstvo u NATO-u (MAP)

Nakon odluke donesene na NATO samitu u Talinu (Estonija) 2010. godine o uspostavljanju saradnje Bosne i Hercegovine sa NATO-om na nivou Akcijskog plana za članstvo u NATO-u (MAP), a kojom je definirano da je „Sjevernoatlantsko vijeće ovlašteno da prihvati prvi Godišnji nacionalni plan (ANP) Bosne i Hercegovine onda kada BiH ispuni uslov knjiženja nepokretne perspektivne vojne imovine kao državne imovine koju bi koristi-

lo Ministarstvo odbrane Bosne i Hercegovine“, stručne službe MO BiH, u saradnji sa NATO štabom u Sarajevu, intenzivno su radile na prikupljanju imovinsko-pravne dokumentacije za perspektivne vojne lokacije. Prikupljena je i kompletirana neophodna imovinsko-pravna dokumentacija (kopija katastarskog plana, posjedovni list, zemljišno-knjižki izvadak), za sve perspektivne lokacije. To znači da je MO BiH okončalo sve aktivnosti iz svog

domena i uspostavilo jedinstvenu bazu podataka za perspektivne vojne lokacije.

Predsjedništvo BiH je u 18. aprila 2012. godine donijelo odluku o 63 perspektivne vojne lokacije, a u skladu sa dogovorom lidera „šestorke“ od 9. marta 2012. godine, MO BiH je izradilo i dostavilo Vijeću ministara BiH prijedloge za dva dokumenta radi razmatranja i usvajanja, a radi se o Sporazumu o implementaciji dogovorenih principa o raspodjeli imovine i Odluci o raspolaganju nepokretnom vojnom imovinom. Predsjedavajući Savjeta ministara BiH je preuzeo obavezu dalje koordinacije sa vladama entiteta radi realizacije sporazuma. Da bi bio ispunjen uslov za MAP, potrebno je realizirati procedure potpisivanja i zaključivanja ovih dokumenata, i izvršiti uknjiženje perspektivnih vojnih lokacija kao državne imovine. Također, NATO Koordinacioni tim Vijeća ministara BiH je uradio prijedlog ANP koji će biti upućen kada NATO procijeni da je BiH ispunila uslov za učešće u punom kapacitetu u MAP-u.



Međunarodni logistički LOGFAS tečaj

U vojarni Rajlovac u Sarajevu od 21. svibnja do 1. lipnja 2012. godine realiziran je međunarodni LOGFAS (Logistics Functional Area Services) tečaj, kao dio priprema za međunarodnu logističku vježbu LOGEX-13, a planirano je da tijekom 2012. godine u BiH budu održana ukupno četiri ova tečaja.

Sudjelovanje je uzelo 25 polaznika tečaja iz 7 zemalja (Albanija, BiH, Crna Gora, Hrvatska, Makedonija, Srbija i Švedska), a LOGFAS tečajevi u BiH se realiziraju pod pokroviteljstvom OS Danske. Cilj im je, osim priprema za LOGEX 2013, i ispunjavanje partnerskih ciljeva i nastavak suradnje u okviru zemalja članica A-5. Prilikom otvaranja tečaja, iskazana je zahvalnost NATO školi za komunikacije i informacijske sustave (NCISS) Latina (Italija) koja je osigurala instruktore, kao i Danskoj koja financijski pomaže realizaciju ovog projekta. OS BiH su nakon kursa bogatije za 10 korisnika LOGFAS softverskog alata LOGREP koji se koristi za logističko izvješćivanje, kao i za 10 instruktora za buduću obuku pripadnika OS BiH za korištenje NATO softverskih alata u području logističkog izvješćivanja.



1/6. pbr na međunarodnoj vježbi u Makedoniji

Pripadnici 1/1/6. pbr sudjelovali su na međunarodnoj vježbi „COOPERATIVE LONGBOW/LANCER 2012” koja je održana u Makedoniji u razdoblju 21.-29. svibnja 2012. godine, gdje su vrlo uspješno predstavili svoju postrojbu i OS BiH u složenim uvjetima izvođenja velike međunarodne vježbe.



Tijekom vježbe naglasak je bio na temama: patroliranje u urbanom području, rad na glavnoj kapiji baze, kontrolna točka, kordon i pretraživanje, obrana baze, prelazak točke visokog rizika, borba protiv improviziranih eksplozivnih sredstava, rad sa pritvorenicima, pravila angažiranja u mirovnim operacijama, zakon o oružanom sukobu, te rodna problematika. Pored izvođenja obuke na poligonu, pripadnici OS BiH su se upoznali sa oklopnim vozilima HERMELIN koje su koristili tokom izvođenja vježbe.

Na završnici vježbe je bio nazočan veliki broj visokih uzvanika, a postrojba OS BiH je dobila sve pohvale za svoj rad i zalaganje. Samim sudjelovanjem na ovoj međunarodnoj vježbi pripadnici OS BiH su imali priliku vidjeti razinu svoje



obučeniosti u poređenju sa pripadnicima oružanih snaga drugih država, a razinu obučeniosti pripadnika OS BiH su visokim ocjenama potvrdili instruktore iz sastava američke vojske. Pokazano je veliko znanje i taktička uvježbanost u provođenju propisanih procedura i visoka razina profesionalizma.

1/6. pbr na međunarodnoj vježbi u Makedoniji



Deklarirana satnija iz sastava 1/4. pbr je u razdoblju od 24. svibnja do 10. lipnja 2012. godine sudjelovala na međunarodnoj vojnoj vježbi koja je organizirana

u Hrvatskoj na poligonu “Eugen Kvaternik” kod Slunja.

Vježba “Immediate response” je dio zajedničke obuke i vježbi Zapovjedništva američkih snaga za Europu i Zapovjedništva kopnenih snaga za Europu, a provodi se radi promoviranja regionalne stabilnosti i sigurnosti i jačanja interoperabilnosti između članica NATO-a i partnerskih zemalja. Na vježbi je sudjelovalo više od 700 pripadnika oružanih snaga iz Hrvatske, SAD-a, te Albanije, Bosne i Hercegovine, Makedonije, Crne Gore, Slovenije i Srbije.



STEADFAST FLOW 2012

Na poziv Združenog središta za koordinaciju kretanja NATO Vrhovnog zapovjedništva savezničkih snaga za Europu (AMCC/NATO SHAPE), pripadnici Zapovjedništva logistike OS BiH, pukovnik Ernes Heleg, kao planer transporta, i satnik Siniša Velega kao operator LOGFAS-a, u razdoblju 4.- 8. lipnja 2012. godine sudjelovali su na NATO vježbi pod nazivom „STEADFAST FLOW-2012“ u simulacijskom središtu OS Turske u Izmiru.

Na vježbi je sudjelovalo preko 100 pripadnika oružanih snaga iz 22 zemlje i 12 agencija i zapovjedništava NATO-a, a vježbom je rukovodio AMCC/NATO SHAPE.

Riječ je o godišnjoj NATO vježbi iz oblasti transporta i kretanja koja je kompjuterski potpomognuta vježba, multifunkcionalna i dizajnirana tako da se postigne brzi protok informa-




cija vezanih za transport, te koordinacija i evaluacija potreba NATO-a i partnerskih zemalja, posebno u oblasti planiranja raspoređivanja i povlačenja multinacionalnih snaga u/iz NATO vođenih operacija, uz istodobno testiranje nove verzije softverskog alata LOGFAS.

Ovo je drugi put da pripadnici OS BiH sudjeluju na ovoj NATO vježbi, što je pokazatelj da mogu ravnopravno sudjelovati u operacijama planiranja, kontrole i izvršenja strateškog transporta u multinacionalnom okruženju. Stečena iskustva bit će korištena za obuku u LOGFAS kabinetu Zapovjedništva logistike i unapređenje transportnog sustava OS BiH.

Tečaj „ePRIME“

U drugoj polovici lipnja 2012. godine u Sarajevu je održan tečaj „ePRIME“ (Partnership Real-Time Information, Management and Exchange System). Tečaj su organizirale OS BiH i NATO zapovjedništvo u Bruxellesu, a riječ je o internetskom upravljačkom, obrazovnom i lozinkom zaštićenom alatu koji se koristi za pristup, razvoj i upravljanje NATO aktivnostima, događajima i programima suradnje. Cilj tečaja bio je da se polaznici obuču radu sa ovom bazom podataka i novih aplikacija radi lakšeg pristupa NATO programima, obukama, edukativnim sadržajima i NATO dokumentima. Tečaju su nazočili pripadnici MO i OS BiH, Ministarstva sigurnosti BiH i Ministarstva vanjskih poslova BiH.



Tečaj o sigurnosnoj politici BiH

Interresorna radna grupa za praćenje implementacije dokumenata „Sigurnosna politika BiH“ je, u suradnji sa misijom OSCE u BiH, organizirala u svibnju 2012. godine VIII tečaj iz oblasti sigurnosne politike BiH. Tečaj je pohađalo 30 polaznika iz sastava MO i OS BiH, Ministarstva sigurnosti i pripadajućih agencija, Ministarstva za inozemne poslove i Središta za sigurnosne studije, Parlamentarne skupštine, kao i Federalne uprave za civilnu zaštitu i Uprave civilne zaštite Republike Srpske.

Cilj tečaja je bio da osigura šire razumijevanje Dokumenta, pruži opći uvid civilnom i vojnom osoblju u sigurnosno-obrambenu i vanjsku politiku BiH, pregled organizacije i pripremljenosti različitih sektora društva za reagiranje u izvanrednim okolnostima, upoznati sudionike sa zadaćama različitih sektora društva i njihovom provedbom unutar okvira sigurnosne politike BiH-e, te unaprijedi suradnju i uvede ključni kadar iz različitih sektora društva unutar okvira sigurnosne politike BiH.

Najznačajnije aktivnosti 2011/2012. godina

Tijekom 2011. i prvog polugodišta 2012. godine jedna od ključnih aktivnosti upravljanja personalom je planska i organizirana edukacija, obuka i usavršavanje personala OS BiH, s akcentom na programe i planove obuke i usavršavanja vezana za NATO i PpP aktivnosti, odnosno obveze proistekle iz međunarodnih sporazuma, kao i učenje stranih jezika.

U navedenom razdoblju na 816 aktivnosti iz edukacije i obuke u zemlji i van zemlje upućeno je 4.342 osoba od toga čega časnika 2.764, dočasnika 1.239, vojnika 313 i civilnih osoba 26. Od toga je na tečajevima izvan zemlje bila 541 osoba, a u zemlji 1.759 osoba, a na seminarima u zemlji 604, a van zemlje 43 osoba, dok je na konferencijama van zemlje bilo 139 osoba, a u zemlji 121 osoba. U vježbama izvan zemlje bilo je 90 osoba, a u zemlji 39 osoba, dok su na ostalim aktivnostima (kongresi, zadaće, natjecanja, izaslanstva, studijska putovanja, obuke

i sl.) izvan zemlje bile 493 osobe, a u zemlji 513 osoba.

Po programima vojne pomoći (IMET, IPP, MIL TO MIL, BMATT, MARŠAL CENTAR, PSOTC, OSCE) tijekom 2011. i prvog polugodišta 2012. godine na edukaciju i obuku izvan zemlje na 206 aktivnosti upućeno je 397 osoba, a u istom razdoblju učenje i usavršavanje stranih jezika (engleski, francuski, njemački, grčki, turski i italijanski) u zemlji je završio 1.091 pripadnik, dok je po istoj edukaciji izvan zemlje bilo 48 pripadnika OS BiH.

Tijekom 2011. i prvog polugodišta 2012. godine 238 pripadnika OS testirano je u poznavanju njemačkog, francuskog, turskog, grčkog i italijanskog jezika, dok taj broj ukupno iznosi 5.433 pripadnika testiranih putem ALCPT testa za engleski jezik, a putem STANAG testa 554 pripadnika. za engleski jezik, 57 za njemački, 67 za francuski i 9 za turski jezik.

12. klasa časnika na zapovjedno-stožernom tečaju

U vojarni OS BiH u Travniku, 4. lipnja 2012. godine, upriličena je ceremonija otvaranja zapovjedno-stožernog tečaja (ZST), klasa 12-1. Tečaj pohađaju 32 polaznika, pripadnika OS BiH, a realizira ga Odjel vojnih tečajeva SPR ZOiD.

Polaznici će pohađati nastavu iz opće vojne i stručno-specijalističke obuke.

Ceremoniji otvaranja tečaja nazočili su predstavnici ZOiD-a i zapovjednik SPR-a pukovnik Amer Duraković, a završetak tečaja planiran je za 7. prosinca.



Tečaj informatike

U SPR ZOiD u vojarni Travnik u razdoblju 4.-15. lipnja održan je temeljni tečaj informatike za pripadnike OS BiH. Tijekom tečaja polaznici su ovladali temeljnim vještinama korištenja informatičke opreme, a obrađene teme su: hardver, softver, operativni sustav Windows XP, Office 2003, osnovi internet komunikacije, te sigurnost informacija i računalne mreže.

Školovanje personala

Trenutačno se na školovanju izvan zemlje (generalstožerno usavršavanje, zapovjednoštabno usavršavanje, vojna akademija, akademija glavnih narednika, visoka dočasnička škola, škola za aktivne dočasnike i dr.) nalaze 34 osobe, od čega 27 časnika, 2 dočasnika i 5 vojnika.



Obuka pripadnika Središta za borbenu obuku



Na lokaciji vojarne „Mika Bosnić“ Manjača (Banjaluka), izvedena je III faze obuke koju je organizirao BMATT tim u razdoblju 4.-15. lipanj 2012. godine, a dana 12. lipnja obuci su nazočili i vojni izaslanik Velike Britanije, zapovjednik BMATT škole iz Viškova (Češka), pukovnik A. C. Cuthbert i zapovjednik KOiD-a, brigadir Robert Sušac.

Zapovjednik BMATT škole bio je zadovoljan realizacijom planirane obuke, odnosno praktičnim radnjama vezanim za operacije potpore miru, a cilj treće faze obuke je bio osposobljavanje časnika u poslovima izrade i kreiranja obuke za mirovne operacije. Polaznici tečaja su bili instruktori iz Odjela za borbenu obuku, a stečena iskustva koristit će u daljem radu.

Похвале Центру за обуку за операције подршке миру (PSOTC)



На редовном састанку Војног комитета НАТО, који је у ЕАРС формату

одржан 5. априла у сједишту НАТО-а у Бриселу, главна тема се односила на едукацију и обуку. Овом приликом представљена су два партнерска центра: НАТО школа из Обераммергауа и Центар за обуку за операције подршке миру (PSOTC) из БиХ. Информацију о активностима и будућим изазовима у раду PSOTC-а презентовао је командант Центра бригадир Кенан Даутовић.

Председавајући Војног комитета НАТО, генерал Knuds Bartels, је истакао квалитет резултата које остварује PSOTC, исказао задовољство садржајем презентације и порукама пренесеним представницима држава који су учествовали на састанку. Препоручио је кориштење капацитета PSOTC-а и наставак сарадње и након окончања периода транзиције.

Комуникацијске вјештине и рад са медијима

Канцеларија за односе с јавношћу МО БиХ и PSOTC су у периоду од 12-15. маја 2012. године извели други по реду курс, планиран за 2012. годину, под називом „Комуникацијске вјештине и рад са медијима“. Био је то други ниво курса, намијењен официрима за односе с јавношћу и официрима за информисање, након завршеног основног нивоа обуке. Похађало га је дванаест припадника ОС БиХ и један цивилни запосленик Министарства одбране БиХ. По завршеном курсу, полазницима су уручени сертификати.



Противпобуњеничке операције

Оријентациони курс о противпобуњеничким операцијама (COIN), један од три НАТО селектована курса, који се изводе у PSOTC Сарајево, изведен је у периоду од 21-25. маја 2012. године.

Циљ курса био је да се кључним вођама и инструкторима обуке представе концепти и доктрина везани за противпобуњеничке операције, ради стварања оквира разумјевања о разликама између противпобуњеничких операција и конвенционалног ратовања, као и да се представе дефиниције и принципи противпобуњеничких операција.

Курс је завршило 23 полазника, 18 из БиХ и 5 из других земаља.



Иначе, COIN у форми пилот-курса, изведен је октобра 2010. године, као дио курса за млађе штабне официре у операцијама подршке миру, у сарадњи са Канцеларијом за сарадњу из области одбране Амбасаде САД у Сарајеву. Од тада је PSOTC извео седам COIN курсева, од чега три у БиХ и четири у земљама регије (Албанија, Црна Гора, Србија и Хрватска).

Управљање медијима

Курс „Управљање медијима у операцијама подршке миру“ реализован је у PSOTC-у крајем маја 2012. године, а завршила су га 24 полазника из састава ОС БиХ и полицијских агенција задужених за рад са медијима, као и студената завршних година Одсјека за комуникологију и журналистику Факултета политичких наука у Сарајеву и Филозофског факултета Пале.

Полазници су током курса имали прилику да, поред PSOTC инструктора, присуствују и предавањима Сонје Mancini, бивше шефице Канцеларије за односе с јавношћу UN мисије у Ираку, Ведрана Першића некадашњег шефа UN продукције у БиХ и портпарола OHR-а, Кенана Ефендића, главног уредника портала „radiosarajevo.ba“ и Душке Јуришић, уреднице недељних новина „Дани“. Курс је препознат од стране Факултета политичких наука Сарајево као изборни предмет на деветом семестру другог циклуса студија.

Цивилно-војна сарадња

У Центру за операције подршке миру (PSOTC) одржан је Оријентациони курс о цивилно-војној сарадњи (CIMIC), а похађало га је 14 официра и подофицира, од чега 9 из састава ОС БиХ, 3 из САД-а, те по један из Албаније и Мађарске. Циљ курса био је да се официри и подофицири припреме за ак-

тивности цивилно-војне сарадње на тактичком нивоу, а обрађене су теме које се односе на НАТО доктрине и концепте, капацитете и организацију цивилно-војне сарадње укључујући и цивилне организације. Курс је реализован у периоду од 4. до 15. јуна 2012. године.

Изградња интегритета

Семинар на тему „Изградња интегритета - анализа трошкова и добити“ реализован је у приоду од 20. до 22. маја 2012. године, а присуствовала су 23 учесника из Парламентарне скупштине БиХ, МО БиХ, ЗШ ОС БиХ, Агенције за јавне набавке БиХ, Канцеларије за ревизију институција БиХ, НАТО



штаба Сарајево, OSCE мисије у БиХ, EUFOR-а и PSOTC-а, док су предавачи били Diana I. Angelis Института за управљање ресурсима одбране и др Daniel Nussbaum, гостујући професор Оперативног истраживања, обоје са Морнаричке постдипломске школе САД-а.

Меморандум о разумијевању



Командант PSOTC-а бригадир Кенан Даутовић, министар безбједности БиХ Садик Ахметовић и резидентни представник UN-а у БиХ Yuri Afanasiev потписали су 11. маја 2012. године Меморандум о разумијевању.

Представници PSOTC-а и Министарства безбједности су јуна 2011. године потписали Писмо намјере са циљем унапређења сарадње у областима од заједничког интереса.

Резултат те сарадње су два успјешно завршена курса у PSOTC-у, курс за UN полицију и курс родне равноправности, које су извели инструктори PSOTC-а, припадници БиХ полицијских агенција са искуством из UN мировних мисија и инструктор UN програма за развој (UNDP).

UNDP-и, који је помогао реализацију наведених пројеката, овим чином се и званично придружио пројекту.

Општи курс за инструкторе ОС БиХ



У Центру за професионални развој КОИД, 30. марта 2012. године, завршен је Општи курс за инструкторе ОС БиХ. Курс је трајао 4 недеље, а завршило га је 20 припадника ОС БиХ.

Општи курс за инструкторе ОС БиХ био је фокусиран на обуку будућих инструктора у складу са прописаним стандардима и доктрином обуке ОС БиХ, а извођен је методом предавања и практичним радњама са тежиштем на методе извођења обуке и наставе кроз дидактичко-методички приступ настави и развој и презентацију лекција.

Водитељ курса, мајор Алман Касумовић, је на завршној церемонији истакао да је то била једна од до сада најуспјешнијих класа.



Деминерски курс



У периоду од 23. априла до 1. јуна 2012. године изведен је основни деминерски курс. Реализацију курса вршили су инструктори из састава Одјељења за обуку, а након четири недеље теоретског дијела обуке изведене у Рајловцу, услиједила је двонедељна струч-

но-специјалистичка обука у карсани у Бугојну, гдје је за ту сврху отворено тзв. лажно деминерско радилиште.

Курс је завршило 11 полазника из разних јединица ОС БиХ који су исказали жељу да буду у саставу Деминерског батаљона, а током курса пружена су им потребна знања и вјештине неопходне за обављање задатака у процесу хуманитарног деминирања. Курс је у потпуности прилагођен стандардима које прописује БХ МАС, а полазници су добили и званичну акредитацију од стране БХ МАС-а.

Нови техничари за уништавање неексплодираних убојитих средстава

У касарни Рајловац 6. априла завршена је специјалистичка обука за техничаре неексплодираних убојитих средстава (НУС-а). Обука је почела 20. фебруара 2012. године, а похађало ју је 17 полазника, од којих 7 Војске Црне Горе, а остали из ОС БиХ. Обуку је успјешно завршило 15 полазника и добили су сертификате техничара за уништење НУС-а. Најбоље резултате је показао виши водник Предраг Новић, припадник Војске Црне Горе.

Обука је завршена практичним радом на полигону «Одлучна Барбара» у Гламочу, а током обуке полазници основног ЕОД курса су упознати са ознакама муниције, општим подацима о експлозиву, упаљачима и њиховој функцији, основама уништења НУС-а, мјерама безбједности као и са реализацијом сврхе практичних вјежби масовног уништења НУС-а. Ово је био трећи курс те врсте реализован у Деминерском батаљону са инструкторима који су завршили курсеве за уништавање НУС-а у земљи и иностранству, а поседују и међународно искуство



стечено у мировној операцији «Ирачка слобода» у Ираку. Тиме је чета за НУС богатија за 8 припадника, а укупно има 90 сертификованих техничара.

Курс за оперативне послове



Уручењем увјерења о завршеном курсу у Одјељењу војних курсева ЦПР, 25. маја 2012. године, 18 полазника је окончао курс за оперативне послове. Током двонедјељног курса, обрађене су теме из организације и операције Штаба, обуке и планирања и практичне израде оперативних докумената, што ће професионалним војним лицима, полазницима курса, свакако олакшати обављање задатака у оквиру свакодневних активности. Курс су реализовали инструктори командно-штабног курса ЦПР Травник, а циљ је, како је нагласио начелник курса за оперативне послове, капетан Анто Трогрлић, понављање већ стечених знања, усвајање нових и стандардизација поступака у раду у ОС БиХ

Основни официрски и основни подофицирски курс



Цермонијом уручења сертификата у Центру за професионални развој (ЦПР) ЗОИД у касарни Травник, 1. јуна 2012. године, завршени су основни подофицирски и основни официрски курс, а на церемонији уручивања сертификата, присутнима су се обратили бригадир Роберт Сушац, командант КОИД-а и пуковник Амер Дураковић командант ЦПР.

Најбољим полазницима у класи 12-1 проглашени су водник Данијел Бакула на основном подофицирском курсу, а потпоручник Елвир Ватреш на темељном официрском курсу.

Курсеве је успјешно завршило 120 полазника, од чега 55 полазника основног подофицирског и 65 полазника основног официрског курса.

Нова класа војних курсева са радом почиње 27. августа 2012. године.



BiH STANAG tim od formiranja do danas

Važan segment u standardizaciji NATO snaga predstavlja jezička interoperabilnost koja je definirana standardom „STANAG 6001“. Prepoznajući ovu činjenicu, OS BiH su se 2008. godine odlučile za formiranje sopstvenog tima za ocjenjivanje poznavanja engleskog jezika. Tim je formiran od postojećeg instruktorskog kadra iz Odjeljenja za strane jezika KOiD-e i formacijski se nalazi u sastavu Uprave za personal ZŠ OS BiH.



Odmah po formiranju tima, pristupilo se neophodnoj obuci kako bi tim mogao djelovati prema standardima propisanim od strane NATO agencije za standardizaciju i kako bi certifikat o poznavanju engleskog jezika, izdat od strane BiH STANAG tima, bio prepoznat od strane svih NATO i partnerskih zemalja. Obuku tima, u početnoj fazi, izvodio je Britanski savjet uz pomoć hrvatskog STANAG tima, da bi ga potom preuzeo „Maršal centar“ (Njemačka) angažirajući osoblje Biroa za međunarodnu saradnju po pitanju jezika (BILC). BiH STANAG tim je uspješno završio obuku i veoma brzo prešao u fazu izrade sopstvenog testa priznatog od NATO saveza. Događanja praksa u NATO savezu je bila da od momenta formiranja tima do izrade i administracije prvog testa u prosjeku

prođe oko 3 godine, ali BiH STANAG tim je ovu fazu završio u rekordnih godinu dana.

Izrađena je sva dokumentacija vezana za proces ocjenjivanja engleskog jezika u OS BiH i u skladu s tim do sada je izvedeno 11 sesija testiranja i izdato preko 500 certifikata o poznavanju engleskog jezika što predstavlja solidnu bazu za angažiranje personala OS BiH u ostvarivanju zakonom propisanih zadataka.

Skraćivanje faze obuke i izrade prvog testa za BiH STANAG tim nije značilo umanjenje kvaliteta testa, što je činjenica koju su prepoznale zemlje u regionu i predstavnici BILC-a i vrlo brzo su uslijedili pozivi za angažovanjem BiH STANAG tima van granica BiH. Prvo su testirani pripadnici MO i OS Crne

Gore 2009. godine i do sada je za njih izvršeno šest testiranja. Uslijedilo je testiranje za MO Makedonije, gdje je STANAG tim OS BiH do sada bio dva puta, a od strane BILC sekretara za testiranje, upućen je poziv za učesćem u obuci STANAG tima Gruzije u „Maršal centru“ u Njemačkoj, 2010. godine.

Osim toga, BiH STANAG tim aktivno učestvuje u unapređenju ukupnog procesa testiranja engleskog jezika. Dva člana BiH STANAG tima su učestvovala na seminaru o STANAG testiranju u svojstvu predavača koji se izvodi u „Maršal centru“, a 2010. godine tim je u Sarajevu bio domaćin jedne u nizu konferencija o STANAG testiranju. Članovi BiH STANAG tima aktivno učestvuju na konferencijama i surađuju sa STANAG timovima Srbije, Hrvatske, Makedonije i Italije. Pored pilotiranja testova, susreti su prilika da STANAG timovi podijele iskustva i nivo usaglašenosti po pitanju ocjenjivanja poznavanja engleskog jezika podignu na viši nivo.

Formiranjem STANAG tima, OS BiH su, pored ispunjenja jednog od partnerskih ciljeva za ulazak BiH u NATO savez (jezička interoperabilnost), stekle uslove da svoje usluge ponude i drugim zemljama regiona.

Završeni kursevi engleskog, francuskog i grčkog jezika



Intenzivni kursevi engleskog jezika svih nivoa za klasu 12-I realizovani su u vremenu od 9. aprila do 29. juna 2012. godine na lokacijama centara za učenje engleskog jezika u Sarajevu, Banja Luci, Tuzli i Čapljini; kurs kondiciranja francuskog u kasarni „Rajlovac“ u vremenu od 21. maja do 29. juna, dok je kurs grčkog jezika, treći nivo, realiziran u vremenu od 5. marta do 29. juna 2012. godine u Banja Luci i Sarajevu.

Certifikate o završenim kursevima su primila ukupno 142 studenta klase 12-I kursa engleskog jezika, 7 studenata za kurs kondiciranja francuskog jezika i 16 studenata za završeni kurs grčkog jezika..

Novi ciklus učenja stranih jezika počeo je 10. septembra 2012. godine.

Strateški političko-vojni seminar

Krajem marta 2012. godine u Sarajevu je održan 5. strateški političko-vojni seminar u organizaciji MO i OS BiH i uz podršku Misije OSCE-a u BiH, a bavio se pitanjem izgradnje integriteta, prevencijom i borbom protiv korupcije. Pored predstavnika MO i OS BiH, učesnici seminara su bili predstavnici Ministarstva sigurnosti i podređenih agencija BiH, Ministarstva pravde BiH i Ministarstva civilnih poslova BiH.

Respektabilan broj eksperata iz međunarodnih i regionalnih organizacija i domaćih institucija ukazao je na sve izazove u implementaciji strategije borbe protiv korupcije i ponudio niz vrlo praktičnih koraka za implementaciju državnog akcijskog plana u ovoj oblasti, a gosti iz NATO-a, ženevskog Centra za sigurnosnu politiku, kao i londonskog tima Transparenci International-a su izrazili zadovoljstvo radom učesnika seminara.

Kursevi turskog jezika

Nakon 12 sedmica trajanja srednjeg nivoa kursa turskog jezika, završenog u aprilu, 16 polaznika je u julu 2012. godine završilo i viši nivo kursa turskog jezika.

Ovaj, kao i prethodne kurseve turskog jezika, realizirali su instruktori Odjeljenja stranih jezika Centra za profesionalni razvoj komande obuke i doktrine OS BiH u Rajlovcu u saradnji sa Uredom vojnog atašea Republike Turske.

Najbolji u klasi

Instruktori turskog jezika iz Odjeljenja za strane jezike CPR/KOiD-a, major Vahid Podžić, ujedno i voditelj kursa turskog jezika i kapetan Amer Riković, uspješno su završili napredni kurs turskog jezika u Turskoj. Kurs je realizovan u Školi jezika Kopnene vojske OS Turske u Istanbulu, u vremenu od 26. marta do 22. juna 2012. godine, a pohađala su ga 32 polaznika iz devet država. Kapetan Amer Riković je proglašen za najboljeg polaznika, a major Vahid Podžić je kurs završio kao drugi u klasi.

Na ceremoniji upriličenoj tim povodom osim starješina Komande škole, profesora i polaznika, prisustvovali i vojni atašei akreditirani u Turskoj. Pripadnici OS BiH su pored certifikata o uspješno završenom kursu, dobili i certifikat za instruktore kursa turskog jezika kao i pismenu pohvalu od strane komandanta škole, čime su na najbolji način predstavili OS BiH.



Vojni policajci na obuci u SAD-u



Pripadnici Bataljona vojne policije Brigade taktičke podrške OS BiH bili su u periodu od 27. aprila do 20. maja

2012. godine u SAD-u na zajedničkoj obuci sa kolegama iz Nacionalne garde američke države Merilend.

Tokom izvođenja zajedničke obuke, pripadnici OS BiH su pokazali zavidan nivo znanja i veština, na čemu im je čestitao i general Džejms Atkinson, a u razgovorima sa komandantom 115. bataljona VP Nacionalne garde Mariland izražena je spremnost za podršku da jedinice iz sastava bVP OS BiH zajedno učestvuju u međunarodnim operacijama podrške miru.

Izvršni komitet ECRAF-a u Sarajevu

Redovni sastanak Izvršnog komiteta Evopske komisije za sigurnost saobraćaja u oružanim snagama (ECRAF) održan je u Sarajevu od 9. do 11. maja 2012. godine, a prisustvovali su članovi Izvršnog komiteta iz Norveške, Nemačke, Belgije, Švedske, Češke i BiH. Član Izvršnog odbora ispred BiH je pukovnik Ernes Heleg.

Na sastanku je razmatrano više pitanja iz domena rada ECRAF-a, kao što su pripreme za naredni kongres ECRAF-a u Španiji septembra 2012. godine, izmjene Statuta, izrada Strategijskog plana ECRAF-a za period 2013. - 2017. godina, izrada Akcionog plana za peri-



od 2013. - 2014. godina i drugo.

Predsjednik ECRAF-a, pukovnik Oddvar Hagensen (Norveška) naglasio je važnost održavanja planiranog Kongresa ECRAF-a u Sarajevu u septembru 2013. godine, gdje se očekuje učešće predstavnika iz oko 20 zemalja, a težnje su da, na putu prema evroatlantskim integracijama, OS BiH unaprijede bezbednost vojnog saobraćaja i da BiH postane regionalni lider u toj oblasti.

Inžinjerijski bataljon u Austriji



U Austriji je tokom 2012. godine 15 pripadnika Inžinjerijskog bataljona Brigade taktičke podrške OS BiH završilo obuku u rukovanju lakom inžinjerijskom

opremom, a akcenat je bio na postupcima rada sa motornom pilom, tehnikama obaranja drveća, kao i tehnikama uklanjanja prepreka od drveća nastalih kao

posljedica elementarnih nepogoda, čime je obučenosn pripadnika Inžinjerijskog bataljona pri izvođenju tih zadataka podignut na viši nivo. Završetkom obuke oni su u potpunosti stekli potrebne vještine da uz adekvatnu opremu pruže pomoć civilnim strukturama u raščišćavanju terena nakon elementarnih nepogoda, kao i da budu angažovani kao treneri u procesu obuke u OS BiH

Вјежбе „Динамичан одговор“



Команде и јединице ОС БиХ су током 2012. године провеле низ активности везаних за реализацију вјежби „Динамичан одговор 12“. Ријеч је о вјежбама у којима се планира реализација операција пуног спектра и које ће представљати крупну обуку за припаднике батаљона пјешадијских бригада у 2012. години. За разлику од досадашњих рота-

цијских вјежби, ове су замишљене као теренске вјежбе спољног оцјењивања. Теренској вјежби, која би се изводила на полигону Мањача код Бањалуке, претходи симулацијска вјежба команде бригаде на ББС систему, што значи да се по први пут оцјењују и команде бригада, док су се до сада оцјењивали само штабови батаљона.

Као и до сада, у саму завршницу вјежби укључена је и вјежба артиљеријског бојевог гађања, као и учешће осталих оперативних јединица из састава ОС БиХ. Планирано је да у завршници вјежбе буде преко 1.000 учесника, што представља батаљон као здружене снаге, а сваки сегмент вјежбе ће бити посебно оцјењиван. За разлику од досадашњег процеса,



када су припадници Команде одуке и доктрине ОС БиХ (КОИД) вршили планирање и оцјењивање, сада КОИД учествује само у сегменту оцјењивања, док планирање врши ОК ОС БиХ, која је и носилац активности. Оперативне јединице ОС БиХ тренутно врше предрадње за завршницу вјежби чије извођење је, уколико буду задовољене потребе логистичке подршке, планирано за јесен 2012. године.

Обука Оклопног батаљона



На локацији војне базе Дубраве код Тузле у периоду од 23. до 27. априла 2012. године, с циљем припрема за реализацију вјежбе спољног оцјењивања „Динамичан одговор 12-5“, изведена је интегрисана обука декларисане јединице 1/5. пбр уз подршку мјешовите чете Оклопног батаљона и јединица EUFOR-а. Увјежбаване су радње и поступци за вријеме кретања колоне, поступци на застанку, реакција на засједу и друге активности предвиђене планом вјежбе. Иначе, ријеч је о планској активности, а по први пут у ОС БиХ кроз увјежбавање укрцавања и искрцавања у оклопне транспортере је интегрисана обука оклопно-механизованих јединица и пјешадије. Припадници аустријског континента EUFOR-а су исказали задовољство припремљеношћу и увјежбанашћу посада оклопних возила.

Ситуацијска вјежба 1. хаубичке батерије

На основу Годишњег плана обуке Артиљеријског батаљона, а у склопу припрема за реализацију планиране теренске војне вјежбе „Динамичан одговор 12“, у касарни „Миралем Југо“, Ливач, 1. хаубичка батерија је током маја 2012. године успјешно реализовала ситуацијску тренинг вјежбу „Извиђање, избор и посједање ватреног положаја“. Током вјежбе реализовани су задаци извиђање и избор ватреног положаја (в/п), посједање в/п, рад на в/п и напуштање в/п.

Током реализације вјежбе, припадници 1. хаубичке батерије показали су висок степен професионалности и обучености приликом извођења постављених задатака, што је допринијело потпуној реализацији постављених циљева.



Главна планска конференција 4. пбр



У касарни „Божан Шимовић“ у Чапљини, 13. јуна 2012. године, одржана је главна планска конференција за

вјежбу „Динамичан одговор 12-4“, чија реализација је планирана у октобру 2012. године. Након уводног обраћања бригадног генерала Сакиба Форића, старјешине из Центра за борбену обуку су изложиле концепт реализације Главне планске конференције.

Главни носилац вјежбе биће батаљонска борбена група, састављена од вишеродовских јединица из састава ОС БиХ. Вјежба је у потпуности конципирана по НАТО стандардима и кроз њу ће се извршити процјењивање и оцјењивање команди и јединица 4. пјешадијске бригаде са придодатим јединицама.

Изградња водовода у Босанској Крупи

Радови на изградњи водовода за подгрмечка насеља у Босанској Крупи почели су 13. септембра 2011. године, уз ангажман ресурса ОС БиХ (људство, инжињеријска техника и друга материјална средства), МО БиХ, Канцеларија за сарадњу у области одбране америчке амбасаде (ODC) и предузећа „АА КОМЕРЦ“ д.о.о. Пале као главног извођача радова.

Због снијега и ниских температура радови су привремено обустављени крајем децембра 2011. године, а

настављени су 1. априла 2012. године. Укупна дужина водоводне трасе је преко 15 км и пролази кроз српска повратничка села Велики и Мали Радић, Врањску, Гудовац и дио Липика, која су у околини Босанске Крупе. Пројекат је највећим дијелом финансиран од стране америчке Владе у висини од око 1,5 милиона КМ. Планирано вријеме трајања радова је око 150 радних дана и завршетак се предвиђа у октобру 2012. године.



Реконструкција моста у Бушлетићу код Добоја

Припадници Инжињеријског батаљона Бригаде тактичке подршке ОС БиХ су током априла 2012. године извршили реконструкцију моста „Бејли“ на ријеци Лукавици, у селу Бушлетић код Добоја, који су и овога пута показали своје способности. Мост, који је услед утицаја непредвидиве ријеке Лукавице био онеспособљен за прелазак моторним возилима, у потпуности је оспособљен и стављен у функцију

за само пет радних дана, а на терену је сваког момента било и локално становништво које је и само помагало у реконструкцији моста.



ОС САД и ОС БиХ у акцији

У склопу одржавања цивилно-војне вјежбе „Заједнички отпор 2012“, припадници ОС БиХ и ОС САД су били заједнички ангажовани на пружању помоћи локалној заједници у граду Мостару, на изградњи дијела школе у Ливачу и реконструкцији ентеријера основне школе у Бијелом Пољу, општина Мостар. Радови су трајали до краја јула 2012. и значе велику помоћ локалним структурама власти и грађанима наведених мјеста.

Помоћ хеликоптера ОС БиХ цивилним органима власти

У првих шест мјесеци у 2012. године хеликоптерске јединице ОС БиХ су пружале помоћ цивилном становништву БиХ кроз помоћ приликом природних и других катастрофа и несрећа (сњежне падавине, гашење пожара), медицинску евакуацију, евакуацију из неприступачних подручја, тражење несталих особа, подршку 17. петроварадинском падобранском купу, учешћем у вјежби СТС „Стратус 2012“ и цивилно-војној вјежби

„Заједнички отпор 2012“, као и превоз смјена цивилних особа на радио-релејним чвориштима, и превоз цивилних домаћих и страних делегација.

За потребе гашења пожара током 2012. до 12. септембра 2012. године утрошен је хеликоптерски ресурс од готово 230 часова налета хеликоптера при чему је избачено близу 4 милиона литара воде на пожаришта.

Radionica za održavanje i uništavanje municije i minsko-eksplozivnih sredstava

Radionica za održavanje i uništavanje municije i minsko-eksplozivnih sredstava locirana u kasarni „3. maj“ u Doboju, u sastavu Komande za logistiku, specijalizirana je za izvršenje održavanja i uništavanje municije i minsko-eksplozivnih sredstava (MiMES) sa lokacija za skladištenje MiMES OS BiH, a po odobroj formaciji jedinicu čine Uprava radionice i dva pogona, Pogon za tehničko održavanje MiMES i Pogon za delaboraciju i remont MiMES.

Održavanje MiMES se vrši kroz provođenje redovnih (planskih) i vanrednih kontrolno- tehničkih pregleda municije i MES-a na lokacijama za skladištenje MiMES u OS BiH..

U samoj radionici za uništavanje nestabilne i nesigurne MiMES koriste se metode delaboracije i spaljivanja.

Metoda delaboracije (rastavljanja) municije na osnovne podsklopove se vrši na artiljerijskoj municiji kalibra od 20 do 203 mm, minobacačkoj municiji kalibra od 60 do 120 mm, te protivtenkovskim minama i rasprskavajućim minama usmjerenog dejstva. Tokom provođenja delaboracije, pored rastavljanja municije na sastavne sklopove vrši se otapanje TNT eksploziva iz artiljerijskih zrna i minobacačkih mina punjenih TNT-om, spaljivanje delaborisanog baruta, kao i ispućavanje topovskih kapisli iz delaborisanih čaura. Metoda spaljivanja - sagorijevanja municije se koristi za uništavanje municije kalibra do 14,5 mm u namjenski izrađenim metalnim kazanima i u mobilnoj rotacionoj peći.

Polugodišnji učinak iznosi 180-200 tona.

S obzirom na personalnu formaciju, odnosno raspoloživo ljudstvo i zadatke koje jedinica izvršava, prikazani podaci pokazuju da pripadnici jedinice profesionalnim odnosom prema datim zadacima ostvaruju zavidne rezultate na uništenju neispravne municije, čime daju direktan doprinos stanju sigurnosti u BiH.

U toku su aktivnosti na instaliranju savremene opreme za remont i uništavanje, donirane od strane UNDP, Norveške i Turske. Njenim instaliranjem i usvajanjem tehnoloških postupaka za rad doći će do poboljšanja sigurnosti ljudstva angažovanog na uništenju MiMES i osavremenjivanja načina rada na uništenju MiMES.



Otapanje TNT iz mine 120 mm



Priprema delaborisanogbaruta za spaljivanje



Spaljivanje delaborisanog baruta



Spaljivanje pješadijske municije u kazanima



Delaboracija mine 120 mm

Deminerski radovi



U mjesecu maju, nakon duže pauze koja je bila uvjetovana problemima vezanim za izdavanje akreditacije za deminersku opremu, deminerske jedinice su angažirane na deminerskim aktivnostima na teritoriji BiH.

U saradnji sa deminerskim timovima iz „Norveške narodne pomoći“ (NPA), koji su vršili mašinsku pripremu zemljišta, četiri deminerska tima iz sastava 2. deminerske čete od 7. maja vrše deminiranje miniranih površina na deminerskom radilištu Gornji Vukšić u Distriktu Brčko. Aktivnosti deminiranja na ovom deminerskom radilištu odvijale su se u dvije smjene.

Deminerski kapaciteti OS BiH

Vršilac dužnosti komandanta Operativne komande OS BiH, brigadni general Ivica Jerkić, 18. maja 2012. godine, sastao se sa potpukovnikom francuskih oružanih snaga Fredericom Botto u svojstvu višeg tehničkog savjetnika OS BiH, a tema razgovora je bila stepen realizacije aktivnosti na uspostavljanju Centra za deminiranje OS BiH i početku procesa deminiranja u 2012. godini, kao i deminerskim kapacitetima OS BiH. Bilo je riječi i o obuci za uništavanje eksplozivnih sredstava (EOD) štabnih oficira, koju je izveo mobilni trening tim iz NATO EOD Centre of Excellence u Slovačkoj, a završilo ga 15 oficira OS BiH.



Rješavanje viškova pokretne vojne imovine tokom 2012. godine

Aktivnosti na rješavanju viškova pokretne vojne imovine u OS BiH nastavljene su i tokom 2012. godine, a to se, prije svega odnosi na uništavanje neispravne MiMES. S tim u vezi, tokom 2012. godine vršeno je uništavanje neispravne i nestabilne MiMES koja je po odlukama Predsjedništva BiH i rješenjima MO BiH oglašena za uništenje. Dio je uništavan u organizaciji OS BiH (radionica Doboje) i metodom detonacije na poligonu Glamoč, dio po tehničkom sporazumu MO BiH sa Vladom SAD-a u organizaciji američke firme

„Sterling“ također detonacijom na poligonu Glamoč. Tako je u vremenu 1. januara do 31. maja 2012. godine uništeno 307,30 tona neispravne MiMES i to u organizaciji OS BiH 185,72 tona (delaboracijom u RzOU MiMES Doboje) 180,72 i detonacijom na poligonu Glamoč 5,00 tona), a u organizaciji firme „Sterling“ (tehnički sporazum) detonacijom na poligonu Glamoč 121,58 tona. Istovremeno, u prvih pet mjeseci 2012. godine nije bilo rješavanja viškova pokretne vojne imovine putem prodaje i donacija.

Nastavljena je realizacija planskih aktivnosti na formiranju odobrenih kompleta MIMES (klasa V) u skladu sa odobrenim Planom operacija sa MiMES u 2012. godini, a zbog nedostatka pogonskog goriva i sredstava za paleiranje realizacija plana do juna 2012. godine je oko 33 %.

Također su nastavljene aktivnosti na realizaciji kontrolno-tehničkog pregleda MiMES i stopostotne inspekcije MiMES na lokacijama skladišta MiMES u OS BiH.

Metal-detektori za deminere OS BiH


U sjedištu „Norveške narodne pomoći“ (NPA) u Vogošći 26. juna 2012. godine izvršena je predaja 20 metal-detektora za Deminerski bataljon (Dembat) OS BiH, što će poslužiti jačanju kapaciteta Dembat u 2012. godini. Ceremoniji predaje detektora prisustvovali su ministar odbrane BiH, mr. Muhamed Ibrahimović, ambasadorica Norveške, gospođa Vibeke Lilloe, kao i rukovo-

dilac „Norveške narodne pomoći“, gospodin Davorin Lisica.

Osim što učestvuju u provođenju protivminskih akcija, u Centru NPA u Vogošći djeluje i Globalna škola za obuku pasa za otkrivanje mina. Trenutno se tu nalazi i obučava oko 160 pasa, a predstavnici NPA su obećali nabavku još 20 metal-detektora i pomoć u mašinskom



retiranju površine od 250.000 m² na deminerskim radilištima Bataljona.



Prema Godišnjem planu protivminskih akcija OS BiH za 2012. godinu, 2.

Demineri u općini Srebrenica

jula su počeli radovi na deminiranju na dva deminerska radilišta u općini Srebrenica. Riječ je o naseljima Pribičevac – Istočno i Bukova Glava – Javor, ukupne površine 70.000 m². Na prvoj lokaciji radovi su završeni u julu, a na drugoj je završetak planiran za polovinu septembra 2012. godine. Angažirana su dva manualna deminerska odje-

ljenja, odjeljenje za mašinsku pripremu zemljišta i dva tima sa psima za otkrivanje eksploziva.

Razgovarano je i o mogućnostima dodatnog angažiranja deminerskih i inženjerskih jedinica OS BiH u općini Srebrenica, što bi bilo od velikog značaja za poboljšanje uslova života i rada lokalnog stanovništva.

OS BiH u procesu protivminskih akcija u BiH

U kasarni „Rajlovac“ je 12. jula 2012. godine održana prezentacija na temu „OS BiH u procesu protivminskih akcija u BiH – analiza i budući koraci“. Prezentaciji su prisustvovali vojno-diplomatski predstavnici akreditirani u BiH, predstavnici EUFOR-a, Komande NATO štaba u Sarajevu, Centra za uklanjanje mina u BiH, deminerske organizacije „Norveška narodna pomoć“, MO BiH, ZŠ OS BiH kao i odgovorne osobe iz procesa deminiranja u OS BiH. Prezentaciju je održao zamjenik komandanta OK OS BiH za operacije, brigadni general Sakib Forić, a cilj je bio dodatno animiranje svih subjekata koji mogu pružiti pomoć u provođenju protivminskih akcija u BiH, kao veoma bitne i uz to, veoma kompleksne aktivnosti.

Prisutni su upoznati sa problemom mina u BiH, historijatom vojnog deminiranja, rezultatima koje su ostvarile OS BiH, raspoloživim ljudskim i materijalnim resursima, obukom, doniranim

sredstvima za ovu namjenu, otežavajućim okolnostima, kao i potrebama OS BiH u budućem periodu kako bi se postigli što bolji rezultati, a koji se od OS BiH, kao najrespektabilnije deminerske organizacije u zemlji, očekuju.



Check Point

Na temelju Plana obuke 3/4. pbr u periodu od 4.-7. lipnja 2012. godine, pripremljena je i izvedena situacijsko-terenska vježba "Kontrolna točka - Check Point" u vojarni „Kosova“, Foča-Ustikolina.

Iako je vježba bila za razinu voda, realizirana je uz potporu kompletnog sastava bojne, sukladno Planu pripreme i izvođenja STX vježbe, kao i slijedom događaja i scenarijem izvršenja zadaća.

Na završnici vježbe izvedene su radnje kao što su postavljanje kontrolne točke, metode rada i postupci na kontrolnoj točki, a tijekom vježbe provedene su sve propisane i naredene mjere sigurnosti i samozaštite.



5. pbr – Vježba „Gašenje požara“



Radi nastavka kontinuiranog osposobljavanja personala 5. pbr OS BiH u pružanju pomoći civilnim strukturama prilikom elementarnih nepogoda, na lokaciji vojarnje "Josip Karimovic Grabo" u Žepču, 6. lipnja 2012. godine, pripadnici Topničke bojne (Tb) 5. pbr u sadejstvu sa Vatrogasnom postrojbom iz Žepča izveli su vježbu "Gašenje požara".

Vježbu su u cjelosti osmislile starije Tb/5. pbr, a izvedena je sukladno Okvirnom zakonu o zaštiti i spašavanju ljudi i materijalnih dobara od prirodnih i drugih nesreća u BiH, što znači da je provjerena ispravnost dijela opreme za gašenje požara kojom raspolaže postrojba, spremnost protupožarne

postrojbe, te same procedure komunikacije tb/5.pbr OS BiH sa Vatrogasnom postrojbom iz Žepča.

Završnici vježbe je prethodila teoretska i praktična obuka, realizirana od strane stručnog osoblja Vatrogasne postrojbe iz Žepča, a zapovjednik Bojne, pukovnik Vlatko Marinčić, izrazio je zadovoljstvo stupnjem obučenosti osoblja i dobrom koordinacijom s Vatrogasnom postrojbom, što je, kako je istaknuo, dobra pretpostavka za uspješno djelovanje pri eventualnim budućim zadaćama.

Inače, ovakva vježba je realizirana na svim lokacijama razmještaja postrojbi 5. pbr, a pored stručnog osoblja iz sastava 5. pbr bili su uključeni i predstavnici stručnih službi Civilne zaštite (CZ) Tuzlanskog kantona, CZ općine Zenica, Profesionalne vatrogasne brigade općine Zenica i vatrogasne postrojbe iz Žepča. Težište u obuci bilo je na gašenju požara protupožarnim sredstvima koje postrojbe imaju na raspolaganju. Tijekom vježbi pripadnici 5. pbr su pokazali spremnost i obučenost za gašenje požara na slabo pristupačnim terenima, te dobru koordinaciju sa drugim civilnim institucijama, što je jedan od preduvjeta za postizanje maksimalnih učinaka u suzbijanju i gašenju požara.

6. pbr

Obuka na brzim vodama



U rejonu sela Kukulje, na obalama rijeke Vrbas, u razdoblju od 15.-18. lipnja 2012. godine, pripadnici 3/1/6. pbr proveli su praktičnu obuku na brzim vodama. Vježba je planirana Godišnjim planom obuke, a tijekom obuke ljudstvo je obučavano u uspostavljanju logorske prostorije, izradi sidrišta, svladavanju vodenih prepreka pomoću užeta i čamaca, spašavanju uz pomoć motornog čamca i drugim praktičnim radnjama. Uvjeti za izvođenje obuke su bili više nego realistični, jer je vodostaj na rijeci Vrbas bio izuzetno visok, a pripadnici postrojbe su pokazali izuzetnu osposobljenost i veliku profesionalnost u izvršavanju svih dodijeljenih zadaća na vodi, a dobili su i pohvale od zapovjednika Bojne.

I pripadnici Izviđačke satnije 6. pbr su izveli obuku na rijeci Vrbas, u razdoblju 11.-13. lipnja 2012. godine, u Trapistima kod Banjaluke.

Obuka je obuhvaćala je nekoliko nastavnih pitanja, realiziranih u tri radne točke. Na prvoj radnoj točki vojnici su upoznati s vrstama, uporabom i načinom vezivanja alpinističkih čvorova, na drugoj su se spustali niz uže i uvježbavali tehnike "pauk" i "dilfer", dok je treća radna točka iskorištena ne samo za upoznavanje s opremom, vožnjom i mjerama sigurnosti upotrebe čamca, već su pripadnici postrojbe u sklopu realizacije ove radne točke izvršili i uređenje obale i korita rijeke Vrbas, čime su, u sklopu obuke, pomogli lokalnoj zajednici u očuvanju prirodne sredine i promovirali OS BiH.



Vježba na sustavu "JANUS"

U organizaciji Središta za borbene simulacije ZOiD OS BiH uspješno je realizirana simulacijska vježba sa borbenom grupom bojne 6. pbr (BBG) na sustavu "JANUS" u razdoblju od 4. do 8. lipnja 2012. godine, na lokaciji vojne baze „Mika Bosnić“ na Manjači kod Banja Luke. Grupu privremenog sastava su činili pripadnici 2/6. pbr, 1/1/6. pbr - deklarirane satnije, postrojbe za NUS/brTP, Inž/br.TP, Vod VP/6. pbr, Tb/6. pbr, bojna PZO/brZS, 1HS/brZS i Izviđački vod 6. pbr.

Tijekom vježbe, umjesto Odjela za simulacije/SBS, Zapovjedništvo 6. pbr je po prvi put bilo nositelj svih priprema, planiranja i izrade scenarija za vježbu, a osoblje SBS, pored brige o smještaju i boravku postrojbe na lokaciji, dalo je puni doprinos u radu Direktorata vježbe kroz kontrolni i ocjenjivački tim.



Primarni cilj vježbe bio je procjena rada ključnog osoblja, članova Stožera BBG 6. pbr i procjena zapovjednika satnija i vodova. Uz kontinuirani nadzor i praćenje instruktora SBS-a, Zapovjedništvo BBG i podređene postrojbe su pokazale sposobnost da racionalno i efikasno donose odluke koje su ključne u izvršenju postavljene misije, a na završnoj analizi postrojbi je uručen certifikat SBS-a za uspješno izvedenu vježbu.

Tenkisti na obuci i provjeri

Pripadnici Oklopne bojne brTP, po odobrenom Planu aktivnosti za realizaciju bojevog gađanja iz tenka M60 A3 na lokaciji vojne baze "Dubrave" u razdoblju 2. travnja - 16. svibnja 2012. godine, realizirali su obuku i provjeru sposobnosti tenkovskih posada na tenku M60 A3 TTS.

Obuka je realizirana vlastitim kapacitetima i pod rukovodstvom zapovjednika 1/1 ts. Cilj je bio da cjelokupni sastav 1. ts prođe obuku po testu za provjeru sposobnosti tenkovskih posada na tenku M60 A3. Testovi sposobnosti tenkovskih posada ocjenjuju mogućnost članova posade da izvedu radnje za koje su osposobljeni, a izvedena aktivnost je ocijenjena uspješnom.

Inženjerci u susret poplavama

Stručno-specijalistička obuka vojnika 9. i 10. klase pripadnika Inženjerske bojne Brigade taktičke potpore, pod nazivom "Obuka u pružanju pomoći civilnim strukturama u obrani od poplava", izvedena je u razdoblju od 21. svibnja do 1. lipnja 2012. godine.

Na obuci je sudjelovalo 16 pripadnika postrojbe, a obučavani su u upravljanju čamcima, uvježbavanju veslanja posada čamaca i rukovanju vanbrodskim motorima. Po završenoj obuci, vojnici su osposobljeni za angažiranje u pružanju pomoći civilnim vlastima u obrani



od eventualnih poplava. Izvedeno je 60 nastavnih sati obuke, 30 teoretskih u vojarni u Derventi, a 30 sati praktične obuke na rijeci Ukrinci. Obilne padavine u tom vremenu pogodovale

su izvođenju obuke jer je vodostaj bio dovoljan za porinuće gumenih čamaca i praktično uvježbavanje novoprimitelnih vojnika. U istom razdoblju vršeno je i praktično obučavanje 15 pripadnika Civilne zaštite općine Derventa i Vatrogasne postrojbe Derventa. Bio je to značajan momenat, jer je praksa pokazala da se najbolji rezultati u obrani od poplava postižu upravo sadejstvom svih raspoloživih resursa koji se nalaze u okruženju, a pripadnici Inženjerske bojne su do sada pokazali da su spremni izvršiti dodijeljenu misiju.

Stratus 2012

Pripadnici Zapovjedništva brZS i PZO i potčinjenih postrojbi u koordinaciji s Regionalnim središtem za spašavanje (RCC) BiH, realizirali su 13. lipnja 2012. godine vježbu službe traganja i spašavanja (STS) "Stratus 2012" na temu pronalaženje i spašavanje unesrećenih u zrakoplovnom udesu.

Tijekom vježbe pokazan je visok stupanj koordinacije aktivnosti s predstavnicima RCC BiH i uvježbanosti prilikom izvođenja procedura od prijema signala o vjerojatnom padu zrakoplova, pozivu prema STS, te određivanju šireg rejonu vjerojatnog pada zrakoplova.

Također, pripadnici br ZS i PZO, posebno posade STS, pokazale su visok stupanj obučenosti tijekom pretraživanja rejonu vjerojatnog pada zrako-

plova, pronalaženja istoga i pružanju pomoći unesrećenima i njihovu evakuaciju u najbliža klinička središta.



Vježba gašenja požara helikopterima

Pripadnici brZSiPZO su s dva helikoptera, Mi-8T i Mi-8 MTV, sudjelovali u vježbi gašenja požara u Bileći. Koristeći helikoptere, oni su uvježbavali tehnike gašenja požara za predstojeću sezonu. Za gašenje požara helikopterom, piloti transportnih

helikoptera Mi-8T koriste protupožarno vedro PPV 2000, dok se za gašenje požara helikopterom Mi-8 MTV koristi protupožarno vedro "Flory 2600", domaćeg proizvođača "Soko" iz Mostara, koje ima kapacitet od oko 2 - 2,5 tone vode.

Inače, sudjelovanje pripadnika OS BiH u gašenju požara helikopterom se provodi na temelju članka 44. Zakona o obrani BiH, poglavlja V - Prirodne i druge katastrofe i nesreće, tako što ministar obrane, po ovlaštenju Predsjedništva, može angažirati OS u slučaju prirodnih i drugih katastrofa i nesreća, na zahtjev odgovarajućih civilnih organa BiH.

Дани отворених врата



У склопу обиљежавања годишњице Армије БиХ, на локацијама ОС БиХ „Адил Бешвић“ у Бихаћу и „Косова“ у Устиколини одржани су „Дани отворених врата“. Била је то прилика да касарне отворе своја врата грађанима, посебно ученицима основних и средњих школа и презентују им дио својих активности, и овај пут посебно прилагођен најмлађим гостима.

Тако су ученици обилазећи тактичко-техничке зборове могли доста научити о пјешадијском наоружању које је у употреби у јединицама ОС БиХ, као и како се заштитити од неексплодираних убојних средстава, а путем презентација које су припремиле старјешине и војници из састава ОС БиХ.

Истим поводом у касарни у Бихаћу, у сарадњи са Универзитетом у Бихаћу, одржан је крос на 1800 м,



гдје су учешће узели припадници и припаднице 2. пјешадијског батаљона 6. пјешадијске бригаде ОС БиХ, студенти Универзитета и грађани. Према плану цивилних структура, припадници овог батаљона присуствовали су старту бициклијаде која је изведена под називом „Градovima УСК-а“, а у касарни „Косова“ је одржан турнир у малом фудбалу. На турниру је, поред екипе 3. пјешадијског батаљона 4. пјешадијске бригаде ОС БиХ, учествовало седам екипа

са подручја Босанско-подрињског кантона. Прво мјесто је освојила екипа пензионисаних припадника ОС БиХ из Горажда, друго екипа МУП-а Горажде, а треће мјесто освојила је екипа ФК „Газије“.

„Дани отворених врата“ су одржани и у касарни „Војвода Степа Степановић“ у Добоју и касарни „Здравко Челар“ у Дервенти, 17. и 21. маја 2012. године. Касарне су посјетили ученици и руководство ОШ „Вук





Караџић“ из Бијељине, односно око 300 грађана из Дервенте и околине, углавном дјецe и омладине.

Током посјете, школарцима је омогућено да се упознају са садржајима на локацијама, као и да користе спортске терене.

Будући да је у касарни у Дервенти стациониран Инжињеријски батаљон ОС БиХ, посјетиоцима су била приказана средства из састава јединице и презентоване могућности кориштења у случају помоћи становништву приликом временских и других непогода. Најмлађи су и овог пута били најдражи, али и најзахтјевнији гости који су од припадника Инжињеријског батаљона захтијевали објашњења до најситнијих детаља о техничким карактеристикама и начину употребе борбених средстава.

Са Бригадом тактичке подршке ОС БиХ

У оквиру манифестације “Дани отворених врата” око 300 дјецe из вртића, домова и основних школа из Сарајева, Високог и Карате клуба “Центар” у пратњи родитеља, васпитача и учитеља, посјетило је касарну ОС БиХ “Рајловац” 23. маја 2012. године. Носилац организације манифестације била је команда Бригаде тактичке подр-

шке (БрТП) ОС БиХ. Посјетиоци су могли да упознају персонал и виде средства и опрему коју користи ова јединица. Поред јединица из састава брТП ОС БиХ, учешће су узеле и јединице из Бригаде ваздушних снага и противваздушне одбране, које су на овој локацији, а велико интересовање су изазвале вјежбе у изведби припадника Батаљона војне полиције, као и изложена средства и опрема.

Припадници БрТП ОС БиХ, односно Деминерског батаљона узели су учешће у реализацији 9. Кид’с фестивала, највећег независног догађаја за младе у БиХ и Југоисточној Еуроци. Овај фестивал сваке године посјети 30-40 хиљада дјецe из цијеле БиХ, а овај пут су Фестивалу (8-12. јуни 2012. године) у Олимпијском центру “Зетра” свој допринос дали и припадници Деминерског батаљона. Они су на промотивном штанду вршили презентацију деминерске опреме и средстава, те упознавали најмлађе са опасностима које представљају мине.

Промотивни штанд Деминерског батаљона био је један од најпосјећенијих, вршене су десетине презентација дневно, прије свега због опреме, али и професионалног приступа излагача и презентација коју су реализовали припадници овог батаљона.



ОС БиХ у подршци „Маршу мира 2012”

Одлуком Министра одбране БиХ, а на захтјев Организационог одбора манифестације „Марш мира 2012“, око 170 припадника ОС БиХ, највећим дијелом из састава 1. пјешадијског батаљона 5. пјешадијске бригаде ОС БиХ, и ове су године, у времену од 7. до 11. јула, били ангажовани на подршци овој манифестацији.

Кључна логистичка подршка манифестацији односила се на осигурање смјештаја, тј. подизање логорских просторија за ноћење око 2.500 учесника марша, а у активности је био ангажован и бригадни имам Сејдалија еф. Хрњић, задужен за организацију и пружање услова при обављању вјерских обреда. Осим тога, била је ангажована и јединица јачине одјељења у улози асистента државним и међународним делегацијама приликом полагања цвијећа у Меморијалном центру Поточари, на дан ценезе, 11. јула 2012. године.



Vojno muftijstvo

U vremenu od 20. aprila do 8. maja 2012. godine na lokacijama MO i OS BiH održano je niz aktivnosti povodom obilježavanja Dana džamija u BiH. Prigodna predavanja na temu „Obrazovni i odgojni sadržaji u džamiji” su održana u kasarnama u Čapljini i Banjaluci, dok je u kasarni u Travniku održana tribina na temu „Uloga i značaj džamije kod Bošnjaka”.

Tokom boravka u Banjaluci, vojni muftija Ismail ef. Smajlović sa saradnicima je posjetio džamiju Ferhadija i sreo se s banjalučkim muftijom Edhemom ef. Čamdžićem, a 4. maja su u svim vojnim mesdžidima održane tematske hutbe, koje je pratio veliki broj vjernika iz sastava MO i OS BiH.

Vojni muftija Ismail ef. Smajlović primio je 19. juna 2012. godine u svom Uredu zamjenika komandanta NATO štaba, brigadira Harolda Hiortha. Cilj sastanka je bio razvijanje i unapređenje međusobne saradnje.



Muftija je upoznao brigadira Hiortha sa funkcioniranjem vjerske službe u strukturi OS BiH i iskazao svoju zahvalnost na posjeti i doprinosu koje NATO štab čini u pogledu jačanja naše države, kao i velike podrške koju pruža u radu MO i OS BiH.



Povodom obilježavanja početka mjeseca ramazana, Ured vojnog muftije u MO BiH je organizirao obraćanje reisu-l-uleme pripadnicima MO i OS BiH u Domu OS BiH u Sarajevu, 19. jula 2012, a tokom ramazana, od 20. jula do 18. avgusta, vjernicima islamske vjeroispovijesti je bilo omogućeno obavljanje vjerskih aktivnosti. Centralna svečanost povodom Ramazanskog bajrama održana je u kasarni „7. muslimanske brigade“ u Zenici, a završnica aktivnosti 21. i 22. avgusta u Domu OS BiH u Sarajevu bajramskim druženjima u organizaciji Ureda vojnog muftije. Dan ranije, drugog dana Bajrama, posjećena su šehidska mezarja u zonama razmještaja jedinica OS BiH u organizaciji Islamske zajednice u BiH.

Православно душебрижништво



Видовдан, крсна слава Војске Републике Српске, прослављен је 28. јуна 2012. године, по двадесети пут. Цен-

трална свечаност је организована у манастиру Добрићево код Билеће, у организацији 3. пјешадијског

(Република Српска) пука. Литургију је служио епископ захумско-херцеговачки и приморски Г. Григорије, уз саслужење дванаест свештеника из епархије и свештеника који службују у МО и ОС БиХ, а по завршетку литургије служен је помен за све страдале српске војнике.

Свечаности су присуствовали представници власти Републике Српске, замјеник министра одбране БиХ Мирко Околић, начелник ЗШ ОС БиХ генерал-пуковник Миладин Милојчић са сарадницима, представници политичког и јавног живота БиХ, начелници општина Билећа, Требиње и Невесиње, велики број официра, подофицира и војника и многе друге званице.

Православно душебрижништво МО БиХ је у времену од 21. до 25. маја по

14. пут организовало поклониčko путовање на Светој Гору за припаднике МО и ОС БиХ.

Поклоници су имали прилику упознати живот манастира Хиландар, једног од најстаријих и најзначајнијих на Светој Гори Атос, а узели су и учешће у богослужењима у манастиру и посјетили околне манастире. Такође су имали прилику разгледати хиландарску ризницу, а у унутрашњости Свете Горе, у



Кареји, боравити у скиту манастира Ватопед, те посјетити Протат и поклонити се једној од најстаријих

чудотворних икона Пресвете Богородице „Достојно јест“. Круна цијелог путовања била је посјета Посници Светог Саве.

У повратку су поклоници обишли гробље српских јунака из Првог свјетског рата на Зејтинлику, а у Солуну посјетили храм Светог великомученика Димитрија.

У поклоничком путовању је учествовало 35 припадника ОС БиХ.

Katoličko dušobrižništvo

Припадници ЗОИД-а Травник су и ове године у дане 22. и 23. липанј организирали и ходоčастили св. Иви у светиште Подмилачје код Јајца. Ходоčастило је 20 припадника ЗОИД-а са дијелом ходоčасника из других заповједништava и

постrojби ОС БиХ, ходњом од преко 50 km од Травника преко Добретица до Подмилачја, а испрацај из Травника са благословом приредио је војни капелан don Donald Marković. Свету бољесничку мису у цркви Св. Иве у Под-



милачју пред више тисућа вјерника предводио је кардинал Vinko Puljić.

Припадници МО и ОС БиХ ходоčастили су на 54. међународно војно-редарствено ходоčашће у маријанско светиште у Lourdes – Француска од 8. до 15. свибња 2012. године. Били су предвођени војним бискупом, монсинјором Томом Вукшићем, и генерал-бојником Антом Јелечом, замјеником начелника ЗС ОС БиХ.

Првог дана ходоčашћа у Lourdesу msgr. Вукшић предводио је мисно славлје



Sahranjen pomoćnik ministra obrane, mr. Trpimir Rebac



У Чaплјини је 30. свибња 2012. године сахранjen помоћник министра оbrace БиХ за набаву и логистику mr. Trpimir Rebac, koji је изненада преминуо обављајући службену дужност на церемонији отварања вјежбе “Зajеднички отпор 2012”.

Trpimir Rebac рођен је 18.10.1952. у Чaплјини, гдје је завршио основну и средњу школу, а потом Сtroјарски факултет Универзитета “Джемал Биједић” у Mostару и постдипломске студије на Сtroјарском факултету Свеучилишта у Mostару. Од 1. коловоза 2008. године радио је као помоћник министра оbrace БиХ за набаву и логистику.

Последњем опроштaју, поред чланова обиље, назочила су и изасланства МО и ОС БиХ, представници ЕUFOR-а и NATO-а у БиХ, велики број пријатеља, колега и познаника, а комеморативни skup поводом смрти mr. Trpimira Repca одржан је истог дана у Хрватском дому “Herceg Stjepan Kosača” у Mostару.

SPORTSKE AKTIVNOSTI

Sportski susreti u Beogradu



Sukladno Planu bilateralne suradnje između MO i OS BiH i MO i Vojske Republike Srbije od 23. do 25. travnja 2012. godine na Vojnoj akademiji u Beogradu održani su sportski susreti u disciplinama: odbojka, košarka i mali nogomet.

Natjecanje je otvorio državni tajnik MO Srbije, gospodin Zoran Jeftić, a nakon sportskih susreta za izaslanstvo MO/OS BiH upriličen je prijam od strane državnog tajnika MO Srbije, gospodina Igora Jovičića, i načel-

nika Vojne akademije Vojske Srbije general-bojnika Mladena Vurune.

Brigadir Mario Andrić, vođa izaslanstva MO/OS BiH, zahvalio se domaćinima na dobroj organizaciji i pruženom gostoprimstvu i izrazio želju da se ovakvi susreti u budućnosti nastave i prošire i u ženskoj konkurenciji.

Sportskim bilateralnim aktivnostima je nazočio akreditirani vojni izaslanik BiH u Srbiji, brigadir Ivica Pavić.

Планинско трчање

Представници ОС БиХ, у периоду од 10. до 13. маја 2012. године, учествовали су на међународном такмичењу под покровитељством Међународног савјета за војне спортове (CISM). Такмичење је одржано у Димитровграду, у Србији, у дисциплини планинско трчање под називом „VIA MILITARIS Mountain running Challenge Cup-Dimitrovgrad 2012“, а наступали су такмичари из девет земаља региона (Албанија, Босна и Херцеговина, Бугарска, Црна Гора, Хрватска, Македонија, Румунија, Словенија и Србија као домаћин). Екипа ОС БиХ у атлетици такмичила се у мушкој конкуренцији и у укупном поретку остварила солидно 6 мјесто.



Атлетика

На нивоу 6. пјешадијске бригаде ОС БиХ организовано је такмичење за мушкарце и жене у атлетици, у дисциплинама трчање на 400 м, 3.000 м и 10.000 м. Такмичење је реализовано у касарни „Козара“ у Бањалуци,

3. и 4. маја 2012. године, а отворио га је командант 6. пбр, бригадни генерал Стаменко Новаковић. Организација такмичења повјерена је 1. пјешадијском батаљону који је припремио терен за такмичаре и услове

потребне за одржавање такмичења. Најбоље резултате постигли су такмичари из 3. пјешадијског батаљона, други су били припадници 1., а треће мјесто је припало припадницима 2. пјешадијског батаљона.

Takmičenje u streljaštvu u 6. pbr OS BiH



I ove godine 2. pješadijski bataljon 6. pješadijske brigade OS BiH bio je domaćin sportskog takmičenja u streljaštvu u Bihacu na nivou 6.pbr u disciplinama puška AP M16 A1 i pištolj 7,62mm M57.

U pojedinačnoj konkurenciji, u disciplini pištolj 7,62 M57, u ženskoj konkurenciji, prvo mjesto je osvojila vojnica I klase Jelena Miljanović iz sastava 3. pješadijskog bataljona, a u muškoj konkurenciji poručnik Jovan Ivić, pripadnik artiljerijskog bataljona. Najbolji ekipni rezultat u disciplini pištolj 7,62 M57 postigle su pripadnice 3. pb u ženskoj konkurenciji, a u muškoj pripadnici 1. pb.

U disciplini puška M16 A1 najbolji pojedinačni rezultat u ženskoj konkurenciji postigla je Delfina Janković, vojnica I klase, iz ekipe komande 6. pbr i prištabnih jedinica, dok je kapetan Siniša Perić iz 1. pb bio najbolji u muškoj konkurenciji. Ekipno, u ženskoj konkurenciji najbolje su bile pripadnice 3. pb, a u muškoj 1. pb.